

東
華
續
錄

光緒三十八

臣朱壽朋敬編

臣章士瑤恭校

十一月乙丑朔直隸東明縣黃河南堤漫口合龍○內寅諭軍機大臣等梅啟璈奏請整頓水師擬定各條開單呈覽一摺所稱請飭船政局及江南機器局仿造鐵甲船礮籌購外洋鐵甲船及鎗礮等件推廣招商局船赴東西洋各國貿易添設海運總督設立外海水師提督裁改海疆各種笨船嚴防東洋練習水戰長江水師添撥中號輪船各節係爲自強起見著李鴻章劉坤一按照摺內所陳悉心籌商妥議具奏原摺單著鈔給閱看○劉銘傳奏以菲材渥承恩遇自解兵柄養病田園每念中外大局往往中夜起立特裂泣下恨不能竭犬馬以圖報於萬一近者被命力疾來京仰蒙召見訓誨周詳莫名銘感竊念人臣事君之道知無不言況事變至迫利害鉅敵不竭其縷縷爲我皇太后皇上陳之中國自與外國通商以來門戶洞開藩籬盡撤自古敵國外患未有如此之多且強也彼族遇事生風欺凌挾制一國有事各國觀窺而俄地橫亘東西北與我壤界交錯扼吭附背尤爲心腹之憂我以積弱不振不能不忍辱含垢遇事遷就不惜玉帛以解兵戎然而和難久恃財有盡期守此不變何以自立今論

者動曰用兵矣竊謂用兵之道貴審敵情俄自歐洲起造鐵路漸近浩罕又將於海參威開鐵路以達珲春此時之持滿不發者非畏我兵力以鐵路未成故也不出十年禍將不測日本一彈丸國耳其君臣師西洋之長技恃有鐵路動運蝦蟇之臂藐視中華亦遇事與我爲難且每私憂竊嘆以爲失今不圖自強後雖欲圖恐無及矣自強之道練兵造器固宜次第舉行然其機括則在於急造鐵路鐵路之利於商務賑務商務礦務並相行旅者不可殫述而於用兵一道尤爲急不可緩之圖中國幅員遼闊北邊綿亙萬里毗連俄界通商各海口又與各國共之番疆而守則防不勝防馳逐往來則鞭長莫及惟鐵路一開則東西南北呼吸相通視敵所驅相機策應雖萬里之遙數日可至雖百萬之衆一呼而集無微調倉皇之苦無轉輸艱難之虞且兵合則強兵分則弱以中國十八省計之兵非不多餉非不足然各省兵餉主於各省督撫此疆彼界各具一心選有兵端自顧不暇微調餉兵無力承應雖詔書切責無濟緩急蒸國分爲十八疆界也若鐵路造成則聲勢聯絡血脈貫通裁兵節餉併成勁旅十八省合爲一氣一兵可抵十數兵之用將來兵機將機俱在朝廷內重外輕不爲疆臣所牽制矣方今國計絀於防邊民生困於釐卡各國通商事奪利權賦日竭後患方殷如有鐵路收足以養兵則釐卡可以酌裁並無洋票通行之病裕國便民之道無踰於此且俄人所以挾我日本所以輕我者皆以中國守一隅之見畏難苟安

不能奮興耳若一下造鐵路之詔顯露自強之機則氣勢立振彼族聞之必先震驚不獨俄約易成即日本窺伺之心亦可從此潛消本年李鴻章奏請沿海安設電線此亦事務之急需但電線須與鐵路相輔而行省費既多看守亦易或者以鐵路經費難籌無力舉辦爲疑竊謂議集商股猶恐散漫難成今欲乘時立辦莫如議借洋債蓋借洋債以濟國用斷斷不可若以之開利源則款歸有著洋商樂於借貸國家有所取償息可從輕期可從緩且彼國慣修鐵路之匠亦自願効能於天朝此誠不可失之機會也查中國要道南路宜開二條一條山清江經山東一條山漢口經河南俱達京師北路宜由京師東通盛京西通甘肅惟工費浩繁急切未能並舉擬請先修清江至京一路與本年議修之電線相表裏此路經山東直隸地界最多或謂於民間墳墓多有礙必多阻撓不知官道寬廣鐵路所經只佔丈餘之地於墳墓廬舍當不相妨即偶有牙錯亦不難紆折以避昔年剿捻中原屢經各該省其地勢民情固所稔知非敢爲臆斷也事關軍國安危大計如蒙 俞允請 旨飭下總理衙門迅速議覆若輾轉遷延視爲緩圖將來俄局定後築室道謀誠恐臥薪嘗膽徒託空言則永無自強之日矣 上諭軍機大臣等劉銘傳奏籌造鐵路一摺所請籌款試辦鐵路先由清江至京一帶興辦與本年李鴻章請設之電線相爲表裏等語所奏係爲自強起見著李鴻章劉坤一按照摺內所陳悉心籌商妥議具奏原摺著鈔給閱看

○戊辰陝甘總督督辦新疆軍務大臣左宗棠入覲命劉錦棠署欽差大臣督辦新疆軍務張曜督辦
新疆軍務楊昌濬護理陝甘總督○左宗棠奏新疆設行省必以哈密劉隸形勢始合哈密及鎮迪一
道所屬文武地方均應歸劉錦棠統轄所有升調補署考核及一切興革事宜均可就近辦理分別奏咨
陝甘總督無庸兼管允之○戶部奏臣部寶泉局庫存銅鉛等項前於乾隆二十四年經臣部奏明定限
十年盤查一次嗣於道光二年由臣部錢法衙門奏改章程定為五年與臣部相問盤查等因在案今光
緒六年分輪應臣部盤查之期當經揀派郎中霖順武等八員將局庫所存銅鉛及當十大錢並宙字庫
存儲制錢一律認真盤查咨行錢法堂轉行遵照今准該司員等逐一盤查會同錢法堂司員該局監督
等具結呈於錢法衙門咨送臣部查辦等正在覆核具奏間由軍機處交出上諭鄭純嘏奏戶部盤
查寶泉局庫當十大錢虧短甚鉅一摺臣等查原奏內稱現查出當十大錢虧短甚鉅一節臣等查此次
盤查寶泉局庫除該局應存銅鉛共一百九十六萬一千一百三斤零如數盤兌計盤出盈餘銅鉛八千
六百六十八斤零應歸入正項動用外其應存當十大錢截至本年六月十三日止實應存當十大錢七
萬二千二百十九串七百九十二文實盤過當十錢二萬九千零九十二串五百文又查出收回借支項
下錢鋪票帖錢合當十錢二百六十七串一百八十四文又查出破碎錢重一千五百斤合當十錢七十

五串文統共實盤當十錢二萬九千四百三十四串六百八十四文下虧當十錢四萬二千七百八十五串一百零八文應由臣部另摺奏明辦理又原奏內稱所存制錢二十餘萬串以經費不足未經盤查難保必無短虧一節臣等查同治九年分輪應臣部盤查寶泉局庫宙字庫所存制錢二十四萬八千七百十八串七百六十八文因需餉浩煩奏明俟經費充足再行盤查在案此項制錢計自咸豐九年起已屆二十年未經盤查臣等正恐年久或有虧短銹結等情飭令一律認真盤查誠以庫儲攸關不敢不加意慎重旋據盤查司員等呈稱宙字庫所存制錢二十四萬八千七百七十五串七百八十四文錢質輕小多不如式惟查係咸豐七年以前所鑄爲時已久無可根究而大數尙不甚懸殊此次奏借經費銀二千兩盤穿夫價費用業已過半若全數穿成盤兌經費仍多不敷等語臣等復據派郎中繼良員外郎崔國慶前往查驗據稟此項制錢已穿出六萬四千三百串暨未穿出若干均係體質輕小字樣模糊其散錢在外面者已有銹結情形惟大致數目尙不懸殊並將存制錢數文呈閱等因臣等查制錢例重一錢二分咸豐三年奏明改鑄重一錢茲得宙字庫所存制錢不過九分小者六七分不等似此錢質輕小兼有銹結誠恐將來不適用於不值以可節之費盤無用之錢是以臣等公同商酌飭令中止並非臣王文韶一人主見又原奏內稱臣王文韶曾任寶泉局監督恐查有虧短難免賠補一節查臣王文韶係咸豐

十一年正月在主事任內奉派暫行署理寶泉局漢監督是年四月奉派幫辦該局事宜卽卸署任計在署任內不過三月向來暫行署理並不盤查交代幫辦事宜亦無典守之職卽查有虧短署任三箇月內似亦所賠無幾況此項制錢係咸豐七年以前所存以後卽停鑄制錢尋鑄當十大錢所存制錢自咸豐七年封儲甬字庫後並未出入無從虧短是王文韶無所用其詞護不必託經費不足含糊中止也至該御史所稱此項制錢發交外省以抵軍餉一節查京師行用當十大錢相安已久如市肆一聞發出制錢誠恐無知小民以爲行使制錢轉相傳說致滋紛擾關係大局殊非淺鮮且所存制錢多不如式亦礙難發交外省所請似不可行惟未便任其年久糜爛終歸無用等語檢出數文封送軍機處備查其應如何變通辦理之處由臣部會同錢法堂詳細妥籌再行奏明請旨遵行至此項制錢係咸豐七年以前隨鑄隨存該堂司各官多已物故可否邀免追究未敢擅擬上諭戶部奏盤查寶泉局庫情形擬實覆陳並請將虧短錢文之監督等議處事吏審訊各情形一摺此次戶部盤查寶泉局庫業經該堂官飭屬詳細查明所存制錢已穿出六萬四千餘串因錢質輕小且有鏽結情形雖期通用大致數目尙不懸殊該堂官公同商酌飭令中止辦理並無不合至所短當十大錢除借支各項應行扣還溢支之款著落賠補外尙虧短一萬四千六百餘串實屬不成事體該監督總司局務該大使典守庫藏咎實難辭著將

同治九年盤查該庫後歷任各該監督大使交部先行分別議處失查之歷任錢法堂侍郎查取職名交部查議長敘官振亦有失察之咎一併查議書吏賄允元著交刑部審辦餘依議○己巳授全慶爲大學士管理工部事務以吏部尙書靈桂協辦大學士○諭麟書奏考試入場擁擠請飭詳定章程一摺此次考試候補繙本筆帖式滿洲繙譯官並蒙古繙譯候補筆帖式入場時不候依次點名散簽爭先擁擠實屬不成事體嗣後辦理各項考試應如何添派弁兵員役妥爲彈壓著步軍統領衙門順天府酌度情形詳定章程以肅場規○庚午恆訓丁寶楨奏等迭據委辦邊疆事務管帶達字左營補用知府張世康稟稱戕夷自經八月半前痛剿後即有盜爪馬家窺西等支陸續畏罪投誠惟紫甘批別挖各支恃其人衆力強據險負隅並聞有再勾涼山野夷拒敵之信張世康以該夷狡誦異常非大加懲創不足懾其氣而服其心且恃其化林坪一帶路險果深官軍未能深入計必招募熟悉山徑土人用資引導免中埋伏包抄以期制勝當於八月二十三等日先籌墊經費挑選鄉導五六百名分給各營卽派左路泰安中營副將林叢文署戩邊營參將彭炳輝分率勇兵由大礮臺進紮沙堆關校場塢派右路武字副前營總兵唐珊峰管帶屬勇遊擊李飛龍分率各勇由龐兒埂進紮乾溪坪魚兒坪羅蘭坪張世康由中路化林坪進紮梨兒灣跑馬坪剋期激勵勇丁層層掃蕩並派管帶壽字右營遊擊何炳元分哨屯紮距

營二十餘里之闊寶山平壩等處游隊扼防爲後路策應派參將倪天元帶領營兵以顧運糧要路九月初一日達字營遊擊李鴻順都司略宗保帶隊山梨兒灣進攻熱水壘巢悍匪數百人潛伏山腰矢如飛各勇鎗礮齊施盡斃三四十名更有兩溝伏匪繼起衝突略宗保分頭力戰連斃巢夷百餘名賊始奔潰我軍乘勢跟追落洲墜斃者二百名縱放火箭噴筒焚燬營房一百餘間初四日守備冷洪高都司吳占才督隊山跑馬坪進攻鍋圈廠該處一縷羊腸蠻酋聚有雅款悍酋連梗冒世悍酋搭涼各糾黨六七百人潮湧而來木石弩箭勢如雨下我軍勇氣倍增鏖戰數時斃匪二百餘名該夷分數股拚命拒敵冷洪高腿受矛傷又被巨石擊傷左脇皮肉綻裂血戰砍斃兇酋連梗勇丁楊鴻順劉得慶等生擒兇酋搭涼乘勢追殺又斃匪五六十名值李鴻順等帶勇攀藤附葛繞出鍋圈廠前路拋擲火蛋焚燒營房二百餘間該匪見官軍掃其巢穴勢不能支俱竄入老林而逃李鴻順等立將該險要奪據收隊屯營其左右兩路林叢文唐珊峰等亦各連日出隊斃匪二百餘名並生擒別挖悍酋鐵脚兒正法計連日陣斃夷匪五六百名奪獲刀矛弩箭三百餘件救出難民三十五名陣亡勇丁十三名受傷五十餘名分別恤賞營調其呆得蒲雞哈兒等支見我軍勇悍難當心膽俱落自願繳械輸誠此外雅款等酋支尙形負固張世康現已督兵深抵夷壘擬再督飭各營奮勇進攻此張世康剿辦夷之實情也又據提督

銜補用總兵李培榮稟稱九月十一日馳抵雷波查得烏拋阿忽等支與義夷雅聚冒掛狼狽爲奸而所糾涼山吳奇石和各野夷甚爲膽悍此番出巢焚擄甚多殺掠亦衆龜藏而還恐羣夷相率效尤且查雲南永善縣所屬之副官村金沙江與山波處處毗連時有匪徒出沒尤慮該夷乘機勾結更易滋蔓因查雷義各邊山深密路徑紛歧夷匪恃爲天險每於山徑叢雜之處多設埋伏兵勇一經深入輒易迷惑失道爲其所敗是以向辦夷務必須多招鄉導步步照應乃能得力等因令李培榮招選本地及金沙江一帶精壯可靠熟習夷集之人千餘名分交各營作爲鄉導以期深入進攻力破孽巢奪其所恃然後可以震懾其心隨派經武營提督邵永齡都司謝文璣各率勇三哨進紮黑角馬頸子防賊旁竄派副將張占龍楊鳳率勇四哨由滇岸金沙江直越獐子村繞出明子橫山梁遙爲援應以遏賊後李培榮親督各營進紮該夷出沒之三棧岡居中調度土司楊德壽被夷匪擄害甚深志在復仇選土練數百名隨軍效用並派普安營弁兵及廳勇分紮夾石乍溝汛以顧糧路分撥已定二十三兩日遊擊汪期紳副將李修德總兵劉鎮湘由三棧岡進取丁家坪田家灣各隘口該處地勢雄峻巢穴如林該匪見我軍初到乘其安營未定蜂擁來撲汪期紳等帶勇直前鎮敵環攻斃賊四五十名匪勢不支紛紛敗竄立將丁家坪夷巢攻克趁勢立營二十四日都司黃仕明帶熟習路徑鄉導復由三棧岡小路繞越田家灣直撲長

河端生擒夷匪五名斃賊三十餘名乘勝焚燬蠻棚二百餘間其時田家灣之賊見官軍逼近於二十五日黎明糾集三四千人分投拚命撲擊喊聲震動林谷汪期紳等帶領鄉導率隊分投迎敵刀矛相接往來鏖戰三時之久夷匪佯退汪期紳知有埋伏密飭黃仕明千總洪成炳分帶鄉導另由小徑繞出焚燒蠻棚以亂其心賊見煙焰四起驚惶無措黃仕明回軍掩殺兩面夾攻斃賊一百餘名餘猶拚死抗拒李修德劉鎮湘等乘勝直前邵永齡從旁橫出截為兩斷復斃匪二百餘名生擒十八名賊勢大卻我軍勇直向卡隘衝殺忽見卡內火起則張占禮楊鳳兩隊已將後路攔截該匪見腹背受敵紛竄狂奔立將田家灣賊卡攻克乘勝前驅又將羊子橋一帶堅寨踏平計連日殺賊四五百名落網噍類死者亦數百名奪獲蠻刀弓弩矛桿五百餘件生擒二十三人解營訊明正法救出男婦難民四十二名口分別資遣男丁亦傷亡三十餘人查明另報此李培榮剿辦雷波夷匪之實情也中等各處辦各處夷務叛則剿之降則撫之原期羈縻懷柔不忍盡加誅戮誠如聖訓當分別良莠剿撫兼施惟該夷反覆無常旋撫旋叛已成鋼習若不先示以威而速懷之以德則野性難馴矣男一撤又將生事百姓受害實深自非大張捷伐未易一勞永逸業經批令張世康李培榮等將現在畏罪投誠各夷多張示諭結以恩信厚加撫綏俾安住牧而資觀感一面督同各將領將負隅抗拒之夷匪一鼓作氣應險奪隘穩慎進攻總使之畏威

乞降再行妥爲安撫現探悉該匪頗覺窮蹙再能認真剿辦一二次兩處匪即可俯伏輸誠然後宣
示朝廷寬大之恩相機收撫勒令繳出捆綁搶掠之難民財物並捆綁滋事兇夷妥議定章分別安置
以仰副 聖主訓示周詳軫念邊陲至意 上諭軍機大臣等恆調丁寶楨奏剿辦貴雷夷匪獲勝分別
剿撫一摺即著飭令該官兵等實力進剿務將滋事兇夷設法殲除所有剿撫機宜及善後各事該將軍
總督務當隨時酌度悉心規畫妥慎辦理期於一勞永逸○恆調丁寶楨奏貴雷飛扎裏塘委員何煜趕
緊到臺任事會同營弁嚴諭該土司喇嘛不准開仗一面飛飭委員候補知府楊福蔭兼程前往相機妥
爲查辦毋任釁觸相爭釀成邊患旋據楊福蔭陸續稟稱九月初二日馳抵打箭爐探悉夷塘土司等業
經迎諭回臺詎查該野番恃勝對爲護符抗不遵照勾結番官若康撒色空養等於八月二十日糾集聽
夷三四十直抵炭塘東路之大竹卡西路之曲奎桑營官壩等處連營駐紮兇賊張二十四日及九月
初旬四出搶劫疊次攻圍土司官寨勒索土司印求重賄方允退兵該土司出兵抵禦互有傷亡復分三
路直撲臺垣適有巴塘專派軍功三人齎遞駐藏大臣拜發奏摺一匣行至熱水塘被野番殺傷大路梗
阻楊福蔭聞報以所帶弁兵力薄難資彈壓隨會商阜和協副將況文榜打箭爐同知李忠清添調土兵
一百名另募親兵一百四十名連前派弁兵共計五百名星夜由鎭起程九月十六日行距炭塘一百二

十餘里之西俄洛地突過野番二百餘人假冒夾礮踞山吶喊攔截楊福萃督率弁兵排隊齊放洋鎗礮斃十餘名始行潰退軍火等項並無遺失等情前來並據何焜李忠清巴塘糧員稽志文各稟報大致相同等查妥塘土司喇嘛與查某尋仇構衅一經開導即遵約束該查某野番本屬野性素慣搶擄茲復勾串膽夷糾眾妄爲撲圍官寨並垣傷燬擄差弁實屬凶頑法難寬宥該番官若康微等附和肆兵滋擾尤爲無理橫行惟該野番等此次恃強犯境繼由土司喇嘛擅自興兵攻擊致啟爭端現在相持日久若不設法撫綏先行遣散不特邊地土民遭其蹂躪更恐益垣亦有疏失關繫匪輕當經批飭楊福萃迅速前進督同該塘文武察看情形妥爲解散再行分別持平查辦如果該野番抗不遵諭始終拒敵卽飛報察核由臣等酌派勁兵相機懲辦現一面飛札況文榜挑備得力官兵五百名札明正土司挑選精壯奮勇土兵一千人預備整齊聽候調遣先示聲威俾該野番聞風斂戢並飛咨駐藏大臣嚴飭藏酋迅將若康微等撤回究辦另派曉事番官接戍瞻對以遏亂萌至巴塘所派擄差果否因傷殞命擄匪曾否遺失已飭楊福萃等確切查明如果失落卽稟報咨由駐藏大臣補緝奏陳至現在欽奉 諭旨令相機籌辦臣等現又添派委員趙光燮前往會同楊福萃並打箭爐同知李忠清等妥籌辦理臣等惟有督訪該委員糧務等悉心籌畫剴切開導各番曉以利害務令解釋仇怨迅速撤兵番眾聽候查辦不准妄爲自

干誅戮以期邊境又安設該番衆恃強不服仍行搶奪攻寨自非稍示懲創則犬羊之性愈肆兇橫等
當再詳審機宜斟酌辦理固不可輕議加兵亦不敢稍涉疏縱用副 朝廷綏靖荒服至意除辦理情形
續行奏報外所有查景野番勾串瞻夷圍攻官寨焚垣殺傷擄弁暨現飭查妥辦緣由謹會同附片具陳
再正續摺間復接楊福萃來稟該員行抵安塘時目擊番民情勢甚覺披猖卽經諭令該番等迅速撤回
聽候查辦乃候至兩日竟無一人前來隨後飭派早和營通事李朝富暨文生楊福益直赴該番營婉爲
開導不啻再三該番兵等只允暫不開仗至欲令退兵則必須瞻對番官索康色信到始能照辦等語查
係實在情形當復專弁星夜馳往瞻對札調索康色來契聽候查辦現在該番官索康色已遣專弁施澤
王懷茂二人先行回契報稱定於十月初一二日親至契塘聽候辦理視此情形似尙不難解散等語查
查景野番雖素極橫霸掠爲生然此次敢於攻撲契垣官寨撥入內地實倚瞻番爲護符現在瞻番索
康色既願到塘聽候查辦則查景已無所恃辦理自易就範等現已批飭楊福萃於索康色到塘後訓
切諭導令其迅將瞻兵卽行撤回再爲查明查景與契塘滋事各情秉公辦理以靖邊地而免兵端上
諭軍機大臣等懷訓丁寶楨奏野番勾串瞻夷攻圍官寨情形卽著檄飭委員諭導該番官將瞻對之兵
撤回一面將滋事各情秉公查辦務令兩造帖服永弭衅端○以山西臬司衙門失火按察使松椿著交

部議處○以瑞聯爲工部尙書○辛未 上詣 大高殿祈雪○以吉和爲杭州將軍穆隆阿爲鎮藍旗

蒙古都統○諭前據御史孔憲毅奏參中城副指揮白奎奏賊縱賂聲名甚劣各情當經諭令都察院堂

官確查參奏茲據奏稱訪查白奎尙無聚賊縱賂確據惟中城地面頗狹該副指揮未能認真整頓人地

究屬不宜等語中城副指揮白奎著開缺歸部照例辦理餘依議○癸酉世鐸等奏等奉 命恭送玉

冊玉 寶 聖容 寶錄 聖訓 玉牒至 盛京尊藏恭奉於九月二十二日啟程十月初九日行

抵新民屯正站令兩館官員先期前往敬詣 崇政殿將 黃案預爲妥帖安設並札行欽天監派往之

擇吉預先敬謹選擇各吉期旋據擇得十月十四日午時尊藏玉 冊玉 寶古未時供奉 聖容尊藏

寶錄 聖訓 玉牒古十月十五日寅時恭請原供玉 冊回京古等於十月十一日行抵奉天府

城外將軍各部侍郎以下各官咸服朝服出郭跪迎更換 綵亭入城山 盛京居住宗室官員恭請

冊 寶於 太廟暫行安供 黃案上兩館提調官及隨往執事各官協同 盛京五部司員等恭行箱

內捧書安奉於 崇政殿 黃案上用龍緞敬謹包裹均由將軍岐元派員守護一應事宜俱已先期妥

辦齊備等於十月十二日敬詣 福陵 昭陵叩謁後祇俟吉期於十月十四日午時尊降聖容等奉回

盛京居住宗室官員及五部大小官員一同行禮恭捧 冊 寶箱匣按照位次敬謹尊藏到將原供

玉册請出暫行安供於太廟殿內黃案上仍由將軍派員守護祇俟吉期恭請回京世鐸等於十四日未時率同乾清門侍衛及提議執事隨往各員會同盛京將軍各部侍郎以下等官一同行禮將軍岐元恭請聖容至敬典閣上層敬謹供奉執事各官恭請實錄聖訓至崇漢閣恭捧

玉牒至敬典閣下層均按照次第安設金匱敬謹尊藏禮成得旨敬悉○甲戌子故陝西巡撫曾望

顏於陝西建祠政績交國史館立傳○內子諭軍機大臣等孫家鼐奏定陵神路中有車轍約長十餘

丈請飭嚴禁等語神路重地理宜嚴肅違容於中路任意行車致將碑面碾損殊屬不成事體著榮毓榮

頤景瑞督率守護員弁嚴行禁止嗣後車輛山兩旁土道行走不准再行中路以昭敬慎將此各諭令知

之○諭本年各省辦理秋審人犯經刑部山緩決改情實者四川省多至五起該督並臬司於秋獻重

犯未能詳審核議均著交部查明分別議處嗣後各該將軍府尹督撫等務當督同所屬遵照定例酌核

案情悉心究擬固不可失之刻核亦不可越於救生不救死之說故從輕減總期執法持平無枉無縱用

副明慎用刑至意將此通諭知之○諭內務府奏拿獲擅入宮內人犯請派王大臣會同刑部審辦一摺

本月初八日宮內拿獲混入禁門之劉振生一犯著即解交刑部派軍機大臣總管內務府大臣會同刑

部嚴行審訊定擬具奏○丁丑上詣壽星殿行禮○諭銘安等奏坐補理事通判難勝煩劇仍請歸

部銓選一摺前據該將軍等奏請將坐補長春廳理事通判薩呢揚阿以簡缺歸部銓選當經允准旋經吏部奏請仍應坐補原缺係屬照例辦理茲據銘安等奏稱查看該員才欠開展吉林設立民官創辦伊始該廳事務煩雜非該員所能勝任等語自係為整飭吏治起見薩呢揚阿著毋庸坐補原缺以簡缺歸部銓選餘著照所議辦理○銘安等奏前因阿勒楚喀所屬馬延河地方未墾荒地與三姓管界毗連奏請欽派三姓副都統長麟阿勒楚喀副都統富和等會同查勘該處方正泡一帶與二古力楚等山接壤恐與產貢山場有礙未便招墾咨請奏明封禁在案本年七月間會同三姓副都統長麟詳細籌商札委奏調吉林委用道顧維熙佐領順霖英林等前赴三姓東南查明地勢察度情形據該道等稟稱三姓東南兩面附城百餘里封堆內係八旗官莊丁民原設估居坐落毋庸招民墾種外查得倭肯河東南百餘里至巴胡力河又南至奇胡力河均有可墾荒地東西三四十里南北一二十里不等自嘎什哈嶺以南有平川地一段土厚泉甘南北約三四十里東西約七八十里中隔倭肯河一道水路往來甚便舊有古城子並無民人居住又循釣魚臺迤南至分水嶺以南為小鵬翎甸大鵬翎甸中有荒田一段南北約三十餘里東西約二十餘里以上各段均係膏腴之地除山崗陡嘴河窪水外約略核計不下二三十萬畝向無居民私墾與東路林哲人等捕獵闢場相去尚遠亦與產參貢山無礙如准招民承領開墾

應請另派委員逐段清查安設村屯卽就倭肯河南北岸先行試辦實於三姓地方有利無弊等因並據該道等繪圖貼說稟請核辦前來等因伏查三姓所轄境內有產參之禁山有採捕樺皮箭幹之地有納貢貂皮之赫哲部落屢經三姓副都統派員查勘均照舊章咨請封禁自因慎重貢山起見現既查明東南百餘里封堆之外尚有荒地可墾自當因時制宜未便拘泥成案相應奏明試辦招墾惟三姓邊地苦寒民居寥落將來招佃能否踴躍承領押荒微租能否照各處墾荒章程一律辦理統俟奉到諭旨會同三姓副都統長麟遴委委員確切查勘出示招徠辦有端倪再行詳細具陳咨部立案得

旨據奏三姓東南百餘里封堆外尚有可墾荒地卽著派委委員詳細查勘劃清界址明定章程試辦招墾該部知道○庚辰 上諭 大高殿祈雪○辛丑諭本月初八日拿獲擅入宮內人犯劉振生一名供

出係由神武門進內宮禁森嚴任令該犯擅自走入門禁懈弛已極實堪痛恨所有是日值班之護軍統領職鶴著交部嚴加議處神武門值班之侍衛及內務府護軍統領著查取職名一併交部嚴加議處其該班章京著卽行革職兵丁卽行斥革該犯進神武門後所有經過之處是日值班人等均著查取職名交部議處○張枏奏本年十月二十五日奉 上諭此次戶部盤查寶泉局庫當十大錢有無虧短是否未將制錢盤查著戶部據實覆奏欽此十一月初四日戶部覆奏奉 旨將同治九年後歷任各監督

大使分別議處等因欽此及見該部原摺所奏盤查當十大錢尙爲明晰至所奏宙字庫制錢未能盤查情形則避罪諉過含混模糊尙多不實不盡之處如原奏云錢質輕小多不如式夫式由部定豈有本部鑄錢而不如式者既不如式何以歷任監督交代時絕不驗明是非於停止盤查後陸續抽換斷不至此又云字樣模糊重六七分不等係咸豐七年以前所鑄夫字樣模糊僅可以備數者私錢也豈有煌煌泉府預藏私錢之理此中情弊不問可知且字樣既已模糊矣安知非七年以後之私鑄而必斷爲七年以前之官鑄耶其抽換與否部臣何無一言及之至云此次奏借經費二千兩費用過半若全數穿出費用仍多不敷等語則愈不然夫錢質輕小不適於用一見了然不待穿出六萬餘串而後知也乃約略其詞謂大數不甚懸殊豈果爲經費起見乎抑別有難言者乎在部臣以事隔多年無從深究而不知關係大局非淺鮮也 幣項係該部職守此錢既不可用自當即時舉發究詰其所由來而原奏乃云不值以可領之費盤無用之錢徐圖設法變通辦理若爲不甚愛惜也者是未經盤查以前該典守者懼其發覺尙思彌補既經盤查以後竟以無用入告該典守者直可置身事外此風一倡異日銀庫中設有一鉛錫抽換者亦將諉爲某年以前所收援此例以邀免追究耶各直省庫款設有如此類者亦將不之問耶是聚此項制錢事猶小而將來虧空 國帑不可究詰貽誤事機患更大也竊維今日事勢其所最棘手者

莫如餉精而餉精之盈絀自戶部始戶部之經核自庫儲始當此 帑項奇絀積弊至於如是猶復支吾遷就何以專責成而警慢藏相應請 旨另派大臣認真嚴查有無抽換情弊再行辦理 上諭翰林院侍講張楷奏戶部盤查寶泉局庫撥奏含糊請飭查辦一摺著戶部堂官明白回奏○甲申大祀 天於 圜丘命載勛恭代行禮○恭銳奏剿辦善後首重招徠乃於今三年漢民歸籍者家滿兵歸旗者寥寥推原其故烏魯木齊吐魯番古城庫爾喀喇烏蘇等俱屬都統管轄富其先後失陷各駐防皆係 朝廷教養世僕捐軀効死大義攸關且城亡與亡形同孤注原非回民漢民別尋生路藉可避難也凡今所謂駐防子遺或先期奉差在外聞亂吳歸或當年穉無知延命求生以致輾轉飄零南入城地方嗣因湘黔二軍平南入城所過加意撫恤旗人凡昔之幼穉丁口俱長成婚配得與亂前出差兵弁相依道故流寓回疆更有投營殺賊告報其仇者奴才迭聞消息動念惻然憐其異鄉淪落之難堪料其安土重遷之不易籌畫再四遂於本年春間定計一面移建寧寧城以俟來歸一面紮派署佐領巴彥佈撫帶資助盤費前往南路招尋並咨請通政使臣劉錦棠廣東提督臣張曜委員會辦旋接咨覆查出烏吐百三城駐防二百八十三丁口暨伊犁駐防三十四丁口一併造冊飭交巴彥佈管帶起程撥給車輛並傳沿途各營局支應糧草等項俾利遄歸已於九月初五日到烏當經奴才督同各協佐等員詳慎點驗分別駐防其

原隸伊犁三十四丁口料理咨送庫爾喀喇烏蘇城俾得就近聽候將軍金順約束去後所隸吐古兩城
原屬奴才兼轄且前請移建寧城曾經陳明建一城以歸四城之兵即節四城修費爲一城之用今城
樓角樓雖漸次完工而兵房尚未一律告竣此次招歸丁口卽就奴才營門左右商借民房安頓棲止俟
工程完整之日卽當撤去移一新城除隨時增片奏明外統先後招徠合計男女大小現有一百六十七
丁口以期漸整旗隊而復駐防舊制報聞○乙酉張家驥奏伏讀本月十二日 上諭河南武陟縣建立
河神渠大王祠工竣等因欽此查 渠大王爲道光年間東河總督太子太保渠毓美諡恭勤其修築河
堤創爲以磚易積石之法遺澤在民靈應昭著立祠表祀禮所宜然但臣愚以爲不朽者功德也不易者
名分也爲當代之明神報祀不嫌其厚爲 聖朝之子臣名號當酌其宜以近時河臣而稱爲 大王列
諸章奏見諸 諭旨揆之君前臣名之義似乎未能允當禮既有所不協卽即有所不安邇來建立專祠
之案層見迭出欽奉 諭旨於已故官員皆係直書其名相應請 旨鑒正仍稱該故河督之名以符體
制而妥 神靈至所建專祠或稱故河臣渠恭勤祠或稱 河神渠宮保祠並請 聖裁定奪 飭下河
道總督李鶴年更正如是則名義相符傳之久遠信而有徵矣 上諭張家驥奏河南武陟縣建立河神
專祠請鑒正名號等語著禮部議奏○諭軍機大臣等前據劉銘傳奏請籌造鐵路當經諭令李鴻章等

妥議茲據張家驥奏稱開造鐵路約有三弊未可輕議施行等語著李鴻章悉心妥籌具奏原摺著鈔給閱看將此諭令知之○丙戌以全慶爲體仁閣大學士○以金澤告竣予繼格畢道遠等優敘○丁亥諭李明璋奏江華縣滋事痞匪首要各犯全數擊獲一摺本年九月間湖南江華縣蘇江冲痞匪盤成蒙等藉口爭產糾眾殺斃客民百餘人焚燬百餘家經李明璋飭令提督王承章等帶兵前往該處會同地方文武勦擒兼施當將蘇江百餘里痞眾次第撫定首逆盤成蒙畏罪自盡遣才良李金鼎韓金珠等各犯均經擒獲辦理尙爲妥速所有尤爲出力之提督王承章蘇元春著加恩賞給白玉搬指一箇白玉柄小刀一把火鑰一把大荷包一對小荷包二箇其餘在事出力文武員弁准其擇尤保奏毋許冒濫湖南永郴等府州民痞雜處易滋事端卽著李明璋督飭所屬妥爲彈壓隨時防範一律澈底清查將原定章程詳加酌度妥議具奏務令民痞永弭畔端以靖地方餘著照所議辦理該部知道○越南國王遣使入貢○慶裕奏粵西地方未靖營務亟宜講求升任撫臣張樹聲以西省制兵餉薄訓練不精不得其用擬參酌直隸練兵章程先就省標抽練二營提標抽練二營左右江兩鎮標各抽練一營合成三千人稍裁分防之勇以抵練兵加餉督飭善後局司道通同籌畫妥議舉辦附片奏明在案先據善後局司道酌擬章程具詳經張樹聲查有未協者逐一指示飭令另行核議臣抵粵受篆復照案督飭籌辦隨據該局司道

議詳前來查核所議一切營制多係依照直隸章程辦理所加練餉及薪水雜費等項則較直隸有減無增廣西山路崎嶇馬不得力故止簡練步隊而無馬兵均係因地制宜尙稱妥協當經抄錄營制章程咨行提鎮查照抽練一面檄飭各標各營共抽出精壯兵丁一千名分爲左右兩翼練兵以五百人成營委標左營參將王世清爲左翼營官署桂林營游擊馮過缺題奏總兵文明迪爲右翼營官分司管帶編哨立營於本年七月初一日築壘駐紮常川操練並委候補道蔣澤春總理營務督率稽查旋准提督馮子材咨報抽出提標兵丁一千名立爲左右練營兩商委派署理提標中軍參將謝子元管帶左營署理提標右營游擊林鳳鳴管帶右營於八月初一日紮營訓練又陸續准署左江鎮總兵劉玉成右江鎮總兵李維述具報各挑兵丁五百人爲一營照章自行管帶遴派哨官約束訓練右江鎮兵丁八月初一日紮營左江鎮兵丁八月二十一日紮營各練兵均以紮營之日起支練餉等情到臣伏查兵非練不能精西省各營兵丁平時非不操練只以餉薄兵艱必聽兼謀生計不能逐日講求戰陣遂難信其得力現在抽練之兵既加以練餉使之足資養贍營官哨官人等亦優給薪水公費俾得辦公有資自應振刷精神力求實績在省標抽練各營就近督飭考查自不容稍涉怠玩其提鎮各標抽練者在提馮子材係老臣宿將軍旅嫺習紀律嚴明又素來辦事認真必能得力即左右兩江鎮臣職任專闕受恩深重亦無

不盡心辦理力圖報稱臣已具手札交相勸勉共期勤加訓練冀成勁旅所需銀數軍火均由省局挑選酌發必使精良庶平時足資鎮撫有事可期折衝臣仍隨時密加查察將弁中如有怠惰偷安糧額虛耗者即分別撤參決不瞻徇情面至應加練餉原擬裁減分防之勇以之相抵惟防勇尙難多裁軍餉出於釐金又復盈絀難定如有不敷臣當督同藩司籌款支放毋令短缺復致懈弛其餘各協營俟餉項稍充再議推廣辦理以副朝廷整頓綠營之至意下部知之○戊子 上諭 大高殿祈雪○頒給山東歷城縣龍洞山及五龍潭 龍神匾額○以鍾鼎爲左副都御史慶麟爲內閣學士○己丑以 穆宗毅皇帝實錄告成予留辦館務主事常清等升敘有差○戶部奏前由內閣抄出侍講張楷具奏部臣覆奏含糊請 派大臣查辦一摺令臣部明白回奏原奏內稱臣部所奏宙字庫制錢未能盡查情形避罪諉過含混模稜尙多不實不盡如云錢質輕小多不如式式由部定豈有本局鑄錢而不如式者既不如式何以歷任監督交代時絕不驗明是非於停止盤查後陸續抽換斷不至此又云字樣模糊重六七分不等夫字樣模糊僅可以備數者私錢也豈有煌煌泉府豫藏私錢之理其抽換與否部臣何無一言及之等語臣等查錢法事宜向係另設衙門歸臣部滿漢右侍郎兼管只十年盤查之例爲臣部與錢法堂公共之時此屆盤查所有宙字庫收存制錢一項或錢質輕小或字樣模糊難於適用係屬實在情形該

侍講謂式由部定豈有本部鑄錢而不如式者持論誠無以易卽臣部查出後亦不能不以鑄不如式歸咎於前任之侍郎監督惟事在咸豐七年以前經手各員多已物故是以於覆奏摺內聲明可否免究未敢擅擬非含糊模稜置之不問也至該侍講疑爲七年以後之私鑄似亦有見惟制錢乃笨重之物抽換係隱私之事若零星偷換爲數能有幾何若車馬駄運豈能掩人耳目該局監督大吏卽使均不可靠其例應稽察之江南道御史何以歷年以來亦竟毫無聞見此抽換一層臣部固可信其必無者也原奏又稱錢質輕小不適於用一見了然不待穿出六萬餘串而後知乃約略其詞爲大數不甚懸殊豈果爲經費起見抑別有難言等語臣等查前屆同治九年盤庫此項制錢卽以經費難籌奏明並未盤查本屆開盤之始臣等原擬一併盤驗以補前屆所未及乃穿出六萬餘串後查驗錢式不相上下此外大堆積壓鏽結斷難一目了然若澈底盤查工費更鉅因查原存制錢二十四萬八千餘串此次已盤過六萬餘串計有四分之一其餘約計大數核與四分之三尚不懸殊是以飭令中止並非別有難言之隱也又原奏內稱此錢既不可用自當舉發究其所由來乃云不值以可節之費盤無用之錢徐圖辦理若爲不甚愛惜也者是未經盤查以前該典守者懼其發覺尙思彌補既經盤查以後竟以無用入告該典守者直可置身事外等語臣等查此項制錢難以適用臣部前摺業已聲明並未匿不舉發若究其所由來則咸豐

七年以前之鑄不如式卽其所由來也至將來設法變通改鑄原存數目自須水落石出如果實有虧短無論該錢局歷任典守各員自有按數分賠成案可循卽臣部此次盤查指爲大數不甚懸殊之各堂官亦不能置身事外初無可避之罪可諉之過也典守局庫乃監督專責從前制錢鑄不如式既與後任無干自不必懼其發覺卽有虧短亦應二十餘年來歷任分賠何肯以現在典守代人彌補此又理之不辨自明者也以上各節臣等謹逐層據實覆奏不敢一字欺飾惟言者屢以臣部未能全數盤查制錢甚且疑其支吾避就應否 簡派大臣再行盤查之處伏候 聖裁 上諭戶部奏遵旨明白回奏一摺據稱庫存制錢多不如式因事在咸豐七年前經手各員多已物故是以聲請可否免究並非含混模稜置諸不問至疑爲私鑄慮其抽換一層可以信其必無其原存制錢二十四萬八千餘串此次盤過六萬餘串計係四分之一其餘壓積銹結約有四分之三飭令中止並非別有難言之隱至將來變通改鑄原存數目無難水落石出等語覽奏尙爲明晰卽著該部按照前奏認真辦理此項錢文如果實有虧短現在盤查各堂官自不得置身事外所請簡派大臣再行盤查之處著毋庸議○庚寅諭祭酒王先謙奏招商局務宜加整頓各摺片設立招商局原期收回中國利權如果局員等營私害公敗壞局務亟應痛加整頓李鴻章創辦此局實無旁貸著逐一嚴查認真整飭如唐廷樞等實有侵帑把持並設計排擠各情卽

行從嚴籌辦葉廷谷經理是否確有成效其辦理章程有應變通之處及早設法該祭酒請令商船出洋目下情形能否及此將來如何漸次開拓著李鴻章妥籌具奏○辛卯諭軍機大臣等奏會審擬入宮內人犯定擬請有一摺劉振生素患瘋疾混入宮禁且該犯語言狂悖實屬罪無可追著照所請卽行處絞餘依議○鄧承修奏本月十三日爲 聖祖仁皇帝忌辰 朝廷素服薄海同遵風聞戶部右侍郎長敘以是日嫁第二女與署山西巡撫布政司葆亨之子爲婚公然發帖賓客滿門鼓樂喧闐伏念 功令遇國忌之日雖在山陬海澨停止鼓樂奚論婚娶今長敘葆亨俱以二品大員世受 國恩內躋卿貳外任封疆而藐法妄爲一至於此使其知而故爲則罪不容誅使其不知而爲之如此昏瞶糊塗豈尙能臨民治事乎查長敘爲前任陝甘總督裕泰之子現任廣州將軍長晉之弟累世高官連姻 帝室葆亨仰蒙 特簡累任撫藩而公犯不遵咄然無忌此而可忍孰不可忍臣聞 國之爲治賴有紀綱紀綱不張何以爲國長敘葆亨等姻親僚友多屬顯官而俱視爲罔然無有一人知其干犯爲之救正者昧 君父之大義忘 覆轍之 深恩情跡雖殊恣欺則一夫以 聖祖之深仁厚澤百世不忘 皇上方降服弛縣 宮廷祇肅而近在 簞敝之下貴戚之家伐鼓撞鐘肆筵設客公卿百僚稱賀爭先此實中外之駭聞指紳所未有若非明正紀綱從嚴治罪則陵夷胡底 上諭御史鄧承修奏特參大臣婚嫁違旨一摺

本月十三日係屬忌辰戶部右侍郎長敘之女於是日出嫁護理山西巡撫布政司葆亨之子賀屬有干功令長敘葆亨均著交部嚴加議處等部議革職○癸巳諭午門值班護軍毆打太監一案會諭令刑部內務府詳細審辦現據審明定擬具奏此案護軍玉淋等於太監李三順奏使齎送物件竟有攔阻毆打情事已屬荒謬該衙門擬以玉淋從重發往吉林充當苦差祥幅從重發往駐防當差覺羅忠禾從重圈禁三年並將岳林請旨交部議處自係照例辦理惟此次李三順贈送賄件於該護軍等盤查攔阻時業經告知奏有 諭旨仍敢抗違不遵藐玩已極若非格外嚴辦不足以懲儆玉淋祥幅均著革去護軍銷除本身旗檔發往黑龍江充當苦差過赦不赦忠禾著革去護軍改為圈禁五年均著照擬枷號加責護軍統領岳林著再交部嚴加議處餘著照所議辦理至禁門理宜嚴肅嗣後仍當實力稽查不得因玉淋等藐抗獲罪稍形懈弛懷之○丁寶楨奏川省撥款過繁餉源不繼請援案再辦光緒七年通省捐輸一次以資協濟允之

十二月乙未諭岐元代奏道員陳本植條陳邊防事宜一摺所稱奉天以朝鮮為屏幟該國設被吞併則我之藩籬盡撤為患益深宜力籌保衛等語尙為明切惟請將洋稅專供防餉其勢有所難行著李鴻章將該員條陳悉心酌核擇其可以施行者詳議具奏原摺著鈔給閱看○諭岑毓英奏請將浮收錢糧之

知府議處訊辦一摺貴州署都勻府知府思南府知府陳廷樑經徵地丁米折輒以辦公不敷爲詞每兩
浮收銀六錢六分並有糧冊勒索費情事實屬任意侵削罔恤民艱僅予議處不足示懲陳廷樑著卽
行革職查明實在浮收及勒索數目全數追繳以蘇民困而儆官邪餘著照所議辦理○內甲子江蘇長
洲縣烈婦張何氏旌表○丁酉 上詣 大高殿祈雪○諭詹事府左庶子張之洞奏分發人員請飭部
妥議章程等語著該部議奏○戊戌 上詣 奉先殿 壽皇殿行禮○以衛榮光署理山西巡撫紹誠
爲山西布政使○調錫珍爲戶部右侍郎以敬信爲刑部右侍郎○己亥頒給陝西漢中府 城隍廟並
南鄭縣神山 龍王廟匾額○崇綺奏查園場原設園座七十二處分隸八旗自同治初年經前任都統
瑞麟麒慶陸續招佃勘放升科以期濟餉庫克古奏接任都統後酌量騰移計實在勘放者尙有三十一
園嗣經前任都統瑞麟以三十一園之中有威遜格爾巴彥布勒嘎素汰巴雅爾額勒棍郭三園毗連巴
彥喀拉等園奏准一例封禁所有三園佃戶全行遷徙其地畝由當時入官地畝內撥補未及興辦旋即
調任接任都統延煦又奉 諭旨飭令詳查具奏延煦以威遜格爾等三園皆隸正白旗若不騰出則該
旗卽無園座於體制有乖照舊議騰又以湃布嘎川之費兒山地方若不封禁恐將來布敦伊遜二川復
有侵佔一併議騰並請於丈出餘地及入官熟田內撥補各佃地畝於光緒三年五月奏准在案嗣於四

年五月又奏明騰園之地如數由丈出餘地內撥補其入官熟田節經分別奏札飭交園場同知及司獄巡檢經理交課五年二月札飭園場同知曉示騰園各佃於五年十月以前一律騰清旋於是年復札飭園場同知凡應騰之地准於光緒六年再種一年限於七年春間停止播種在延熙屢經寬予限期自爲佃民布種多年遷徙維艱起見奴才接任以來屢密稽訪詳細衡核查威遜格爾等三園及畫兒山一帶地方原放地四百一十餘頃計原佃分佃共七百一十餘戶其內地乏食游民遠來傭趁藉以謀生者更不知凡幾該田等承種升科歷有年所並非私佔官園今必欲迫令遷移雖地畝可云撥補而廬舍櫛比自須盡數拆平另行移造該佃等耕種爲生未必有此力量其苦累更不待言且從前原擬撥補此項佃戶之丈出餘地實皆有原種之人概應補交押荒一律升科並非空閒地段若撤出四百餘頃撥給騰園各佃則原種此四百餘頃者丁戶自不能少又將何以謀生是讓騰之佃方苦顛連而被撤之家又皆失所似此轉輾拖牽則老弱無以自存強壯聚而爲匪其事實在意中況騰園原期有用而現在讓騰各處所除本無園庫之畫兒山一帶地方其峯巒險峻人畜難躋之處間有樹株所有烏拉岱川之威遜格爾等三園樹木一空牲畜四散縱使盡數騰清而限種有年地皆成熟樹木將何日而蕃昌牲畜更何時而羣止空空園庫何所用之至園場兵丁自園地招種後防範較離於前巡緝終年已屬疲於奔走若再加

以議騰各地方則耳目更難周至適資奸宄潛蹤尤屬非徒無益且於圍場總管同知等因公來郡時
嚴切面詢致稱威遜格爾等三圍佃民於毗連之已騰未放各圍界委無越疆情事至昔兒山一帶地方
更查有不能越界者緣同治十年辦理騰圍時曾於布敦川內因南北山勢橫築大牆一道妥設卡倫駐
兵看守其在大牆以西之布敦川地面及伊遜等川均斷為內圍一切閒雜人等概不准擅行闖入而昔
兒山一帶地方以隔於大牆以東與大牆以西各川道內外截然自不至復有侵佔惟各方均有圍座鑲
白旗實有圍座八處正藍旗尚有圍座六處若如此二旗界內擇其與現在議騰之威遜格爾等三圍相
近各圍座酌撥三處改鑲正白旗核與舊制既屬相符該圍場重地原不應輕議招墾然當此積重難返
自不得不因時制宜且各旗圍座除勘放之三十一圍外尚存正圍四十一處竊維於國家肄武綏藩
之典無慮闕如奴才庸愚之見以為未經勘放及業經騰出各處所萬不容分毫展墾再感圍疆其已經
勘放而現經議騰各地方似無庸勉強驅除徒滋擾累奴才委因慎重邊地全局起見故敢冒昧直陳請
旨可否將勘放升科之威遜格爾巴彥布勒嘎素汰巴雅爾額勒提郭三圍及昔兒山一帶地方免令
騰移俾此項佃民與原種丈出餘地者均各安業完糧以廣 皇仁而靖地方之慮恭候 欽定得 旨
覽奏均悉所有威遜格爾等處圍場著照所請免其騰移一切應辦事宜即著妥定章程奏明辦理○庚

子諭欽奉 慈安端裕康慶昭和莊敬皇太后 慈禧端佑康頤昭豫莊誠皇太后懿旨前次午門值班兵丁毆打太監一案護軍玉淋等以藐抗違等原屬罪有應得惟念門禁至爲緊要嗣後官兵等倘誤會此意稍形瞻顧關係匪輕著格外加恩將玉淋革去護軍改爲杖一百流二千里照例折枷枷滿鞭責發落祥順著革去護軍改爲杖一百鞭責發落忠禾革去護軍改爲杖一百實行責打不准折罰錢糧仍圈禁二年圈滿後加責三十板護軍統領岳林著免其再行交部嚴加議處太監李三順著交慎刑司責打三十板首領太監劉鈺祥著罰去月銀六個月至瘋犯劉振生混入宮禁已將該總管首領太監等分別摘頂罰去月銀斥革責打發遣以示懲儆仍著總管內務府大臣恪遵定制將各該太監嚴行約束禁門重地如值班人等有疎懈定當從嚴懲辦決不寬貸○先是鮑超奏敵情叵測來路不可勝防俄人水師鐵甲已集遼海東洋陸軍已逼琿春海船商賈往來其間者實見軍容之盛不倖虛聲惴惴也幸而能以理喻或可不卽興戎儼寬乘虛而來合戰更無良策詳著地勢琿春陸路至威遠門不及千里是爲秦天吉林之關鍵儼或由此內犯則進邊門而拊 盛京之背西則山馬千總臺出廣寧錦州之後而趨熱河若山錦州循邊牆梨水溝鳴水門而進喜峰口尤深入內地之捷徑也水路山混同江越黑龍江口以入松花江可直抵三姓伯都訥等處儼或以水師來攻則黑龍江非復我有而吉林腹背受敵矣若由

奉天南循遼海則金州屬所屬之大凌灣小平島旅順口錦州府屬之天橋廠寧遠州屬之釣魚臺等處皆可泊舟登岸倘或由此進兵則吉林奉天腹背均受敵矣且橋廠釣魚臺距山海關皆勢不甚遠倘舍舟就陸超越奉吉防軍之前進喜峯口以達遼化州必震動 神京不可不先爲戒備奉天門戶緊要早在 九重洞鑒之中此日委任親賢通籌全局凡有雄關要隘鎖鑰重重竊料 聖慮周詳必已算無遺策自山海關以至北塘河口五百餘里雖防不勝防而李鴻章曾國荃所部各軍分布如常山蛇不難首尾相應則林馬勵兵以夜繼日所挑將領非隨軍身經數百戰者概不入選復親加訓練教以忠義以作其敢死之氣萬一有警無論遠近卽親督馬步各軍裹帶乾糧星馳援剿先以保衛京畿爲第一要著倘敵兵由山海關西北各口入承平府屬之撫寧盧龍界內則遼軍實當其衝當四面截擊斷其歸路必使片甲不返以伸 天討而快人心惟中外情形不同用兵各有長短洋人所恃者鎗礮耳製造之精今日愈出愈奇鎗礮而外別無長技向來教戰五成戈矛以鎗礮排列於前卽以戈矛相間而進兩軍相薄戈矛突出鎗礮之前直撲敵人而敵人大器雖精無所施其伎倆此遼軍之所長也以我之所長攻彼之所短不難百戰百勝然而火器不及外洋之利又必求工力悉敵之鎗礮使其無懈可擊而後吾無所短嘗聞舊法交戰舊國火器精良鎗子迭出甚速而法國之鎗機鈍子遲遲遂以弱小之國而

俘法之國主一器也而成敗繫之敵不先事請求以期有備無患。昨過上海以萬餘金購有各種洋鎗取其價廉上藥者先令各營操習期於發無不中者洋鎗中之迅利輕便者莫如馬地利並咭士得兩種電擊雷鎗為行軍第一利器。擬即如式購備七千餘枝每枝配帶子藥五百顆價值約二十五六兩合計非實銀十八萬兩不能採辦齊全營中無款可籌惟有仰懇 天恩寬准發撥鎗價俾取精而用宏庶同仇而敵愾明知庫款支絀苟非實在要需敢不力求撙節舉凡貴重職位自數千兩以至數萬兩者雖利於攻擊而概弗敢請獨此洋鎗士卒恃以開行陣之先方可用戈矛以攻敵人之短而能制其死命如蒙 俯允可否即請飭下兩江督臣或於揚州鹽務內借撥實銀十八萬兩由臣委員馳往請領就近在上海香港定購剋期裝運來營以備戰守而免貽誤自古無必勝之兵而有必勝之將往時粵逆擒匪縱橫屠掠海內幾無完土而疆臣及各路統兵大員仰承 廟謨同心滅賊即臣從事於諸臣之後雖悍驚如四眼狗等皆以偏師常破數十萬之眾而能使海宇廓清者氣足以勝之也況今 宮廷自治凡有可以振作者無不立見施行而內外臣工所以籌自強之策者又皆不遺餘力人心固結士氣弗衰機會之來時不可失果能得此利器備俄人輕敵而來則沿海旌旗一指塵間不難立繫夷酋之頸待其窮蹙乞命震懾 天威然後許其請和兵可百年不用也事可操券問不容髮臣非敢以匹夫之勇妄陳於

君父之前誠以敵寇憑陵戎機已露迫切上陳自忘愚昧奏入下部議至是戶部奏該提督向係鎮

礮五成戈矛五成所帶馬步勇丁一萬三千餘人約計湖廣督臣前所籌給洋鎗尙足供五成之用茲復奏稱擬採辦馬的利味嗜士得兩種洋鎗七千枝自係爲多籌利器有備無患起見惟洋鎗之種類不一倘採辦不得其人或經平任意浮開或洋人有心欺騙此等弊端近年以來業已屢見費出當此餉源匱竭之時辦理軍需不得不力求核實臣等公同商酌所有該提督請借撥銀兩採辦洋鎗之處擬請飭下兩江督臣兩廣督臣各派賢員先在上海香港等處認真考察究竟洋鎗以何項名目爲最利價以何等爲公平切實訪查明確據實聲覆再由臣部酌核辦理得旨如所議行○壬寅諭前據編修何金壽奏雲南東川府知府孔昭鈔被戕總兵楊玉科知情同謀並開殿銀號交通消弭等情嗣經查明楊玉科並無同謀主使交通營脫情事惟開設銀號罔利營私經刑部奏明將該總兵交部議處茲據兵部遵議處分具奏廣東高州鎮總兵楊玉科著照部議降三級調用其所兼二等男爵照例折罰世職半俸九年免其降調世職○乙巳 上諭 大高殿拈香○諭御史鄧慶麟奏雲貴二省道府州縣佐貳等官多係伯叔兄弟外戚內親同官一省及曾在該省經商遊幕之員請飭查明迴避等語著如所奏實屬有違定制著該督撫確切詳查如有前項情弊卽行照章飭令迴避以清仕途尋吏部議奏凡應行迴避之員嚴飭

遵照例章迴避自奉 旨之日起按五日行文以接到部文之日勒限三箇月呈明迴避如於限外呈明或逾限不行呈明照章分別議處得 旨如所議行○內午諭譚鍾麟奏署提督丁燮一摺黃少春前已簡放浙江提督現在丁燮該提督帶兵素稱得力浙江營務事宜正資整頓著改爲署任以重操防○丁未戈靖奏上竊思理財以軍餉爲急務籌餉以鹽課爲大宗東南乃財賦之區江淮尤魚鹽之地請求鹽政自當以淮鹽爲最先而今日鹽務之壞亦惟淮鹽爲最甚溯自軍興道阻淮運不通楚督奏請借食川鹽而淮鹽之銷路遂久假而不歸淮引不能復舊同治十年川楚會奏川淮分界行銷迭經官條陳有禁川復淮之議本年川督丁寶楨奏滇黔邊界川鹽暢行此時議停辦楚川省已可照辦等語戶部奏請規復舊制 諭旨飭催而江淮鄂皖該管鹽務疆臣轉遲遲不果行者一則爲川蜀之私販充斥也一則因淮南之把持專利也而實由於督撫之畏難而苟安處今日而不急求整頓規復舊章後更無可復之日而淮鹽之利不復爲 國家所有矣謹就 管見所及擬作七條敬爲 皇太后 皇上縷陳之一淮引未能速復舊額總由淮南之壟斷營私而不奮勉也卽如湖北省自道光年間議定淮鹽改綱爲票以六百斤成一引加半完課武漢黃德四府應行大引二十八萬九千餘道荆宜安襄四府荆門一州五處應行大引八萬道論荆宜五處視武漢四府幅輒較廣戶口尤繁而當日配引多寡懸殊者因地近四

川鶴峯巴東皆川鹽引地侵灌最易而民間向食川鹽習以爲便不能禁也故此五處配引獨少議者但知平善屬可扼要竊私不知平善屬以下頃頃是道卽用重兵扼守而繞道走私不過半日之程故舊制在耳而又以八萬引之淮鹽與之相敵爲武漢四府固其藩籬故咸豐以前湖北歲銷皆能足額自淮鹽廢弛後曾國藩李瀚章曾奏分界原有請飭淮南運鹽赴荆宜等處分設子店與川鹽併銷之議光緒四年楚督重申前議部臣亦以爲一大轉機請由兩淮配運上色淨鹽前往與川鹽併銷無如淮南裹足不前無一應募者在淮南習於苟安樂於淹銷乘便而專私其利耳欲除其弊非添招新商與之環運不能振作也一淮引不能遽復舊額又山淮商之朦混包餉而無實際也自咸豐年間川鹽侵佔楚岸楚省卽恃川鹽爲餉項大宗淮南不思鹽運之如何疏通專靠官爲經理享現成之利益聞近年有出結包餉之事其措詞候川鹽淨盡之日爲包餉之始試思鄂省徵收釐金在宜昌入境之日數年來入境之川鹽分布各處偏地山積到埠之川鹽足供三四年銷食設禁川則川釐停而楚餉立絀入境之川鹽既停到埠之川鹽未盡此三四年中楚省數百萬軍餉從何籌措此川督許復淮岸而楚督轉欲從緩者亦始借其包餉微言敷衍目前之計耳蓋川釐既停則川鹽之成本更輕私販愈多售價愈賤浸更廣淮鹽引愈不能復包餉庸可恃乎且昔之綱商皆有身家場垣田產接籍可稽設過虧課尙可按名勒追今票商

皆輾轉行販或有四五家共辦一票者兩三年輒更換牌名其籍貫姓名均非真實此等微結何足爲憑
同治八九年間有訛傳另換新商之說票價遂跌至二千金市價低昂原無定準目前票價尙昂故慨然
具結包餉假令復引後准銷仍滯鄂省認真將商本提充軍餉則票價必賤至一文不值商人或棄票而
去安能執名實不符之微結而問以全省軍餉之重事耶所謂准商包餉之說毫無實際者以此欲求實
效非逐漸增復引額不能實力整頓也一擬請先除舊商之蠹方能漸復引額也查部臣奏辦商私沿途
酒賣捏稱淹銷尤近年之大弊實爲洞見情形之言夫舊商之把持不容招新商者惟恐增引後必致增
商恐新商或奪其利權或移其弊竇不便於黨斷居奇耳聞丁寶楨奏江西等省官票不及私販之多足
見官票太少卽滋流弊沈葆楨奏檄以爲金石之論然終沈葆楨之任竟未增復一引曾國藩初定新章
湖南祇運八萬引江西祇運十萬引嗣後陸續增復湖南增至十四萬引江西增至十七萬引是曾國藩
任內孜孜以增復舊引爲事迨曾國藩歿後舊商之把持益固十年以來片引不能增復本年部議票本
捐案有如運商推諉卽另招新商之說吳元炳復檄新商未必有人問津臣聞舊商黨斷居奇鬼蜮難測
院司幕丁胥役深相結納又或有身居幕府家充運商者若招商勢必仍歸舊商弊不可除查鹽法志原
有商人赴部交課山戶部給引成案今欲議增新引數萬道應請飭令部臣就近出示另招新商給予

部刊引票分配各案與商一體輪流環運以示平允其舊商沿途酒費稅糧淹銷宜責成各省鹽道及督銷局員認真稽查從嚴懲辦如該管官知情袒縱即由督撫指名參辦以除積弊庶得引之額可以漸次望復矣一擬請飭督臣設法整頓勿畏難而苟安也淮南例定各岸引額現時祇皖省銷尚足敷此外江西額行大引二十七萬二千餘道近年祇運十七萬計短銷十萬二千餘道湖北除荆宜襄安鄂荆門分川外尚應行大引二十八萬九千餘道近年祇運十三萬道計短銷十五萬九千餘道湖南除澧州分川外尚應行大引十三萬二千餘道近年銷至十四萬二千引溢於定額者將及萬引同一引額湘商辦之而見溢鄂商辦之而獨短是以鄂西兩岸迭經戶部奏飭招商認運江督總以俟荆宜收復舊額爲辭查曾國藩奏分荆宜等五府一州暫准借銷川鹽原欲准商專致力於武漢四府李瀚章每奏輒稱武漢等處分淮口岸不准川鹽顆粒紮滯今若議復荆宜引額請俟收復乃行部議催復武漢四府及西岸引額江督總以俟收復五府一州爲辭川鹽自行於荆宜准鹽自行於武漢彼此何致牽掣明係推諉之詞不特與奏案不符揆之情理亦未允愜前沈葆楨奏稱上策莫如自治求人必先追己丁寶楨奏稱宜先儘兩皖各岸設法整理暫毋與川楚爭界是皆遵宗之論鄂岸向以武漢黃德四府爲暢銷之區歲行額引二十八萬道荆宜等五府一州爲滯銷之區歲行額引祇八萬道今准商據有二十八萬引

之暢岸認運祇十三萬引可謂疲矣川商以八萬引之滯區歲運至十五萬引可謂勇矣淮南既不能銷足自有暢岸之額而運思違事荆宜無怪川商之不服也使楚省葉川釐現收有著之款而以全省鉅餉委諸淮南極疲之商宜楚督之不許也然此皆該督域於鄂商一面諉卸之浮詞祇知與川楚爭界不知追己自責再使易湘商而辦鄂岸安知其不轉溢於原額也且愚以為認真整理必添招新商與之輪流環運比較策勵方能破除延宕推諉之習一擬請飭淮南仿照湖南鹽務辦法自可漸增引額以復舊制也查湖南不獨澧州分川衡永三府現收粵鹽承順沅靖山僻之區淮南從來足跡未到其實銷淮鹽者長常辰岳而已四府定額祇大引七萬餘道而溢銷幾倍蓋湘商自辦經設法疏通除長沙總局外先後增設湘潭湘陰湘鄉益陽安化寧鄉靖港新市等處分局常德分設六局岳州四局辰州四局各分局外又有店數十處縣城及各市鎮皆有整票淮鹽運往地方一切善舉按票捐資故四府人人樂銷淮鹽用能倍額暢銷平江一小邑額引九百道聞今歲銷至萬道此治已返求之明效也鄂省則反是統武漢黃德四府除漢口總局外僅有武穴衛新兩分局此外別無分銷之埠經理之人江西尤不如鄂十府之地除省城總局外僅吉安吳鎮各一分局夫淮南守輪候銷全恃鹽局主持西鄂各數千里疆域每省祇有三局運商集於三局而各府縣遠者千里近者亦數百里不設分局運商不能前去強使食戶遠赴

千百里外購鹽不便孰甚何怪私鹽日興而官銷日滯也各省引額當初皆按戶口定數自長江路梗一切奏銷考成皆停今肅清已二十年休養生惠富庶漸可復初司鹽務者特未詳加考核耳本年戶部奏稱無事時傳額且不容虧短值此籌防孔亟愈持久則所需愈巨若非從此增引增課更何恃以備緩急之需是增復票引實目前當務之急應請 勅下江督恪遵部議趕緊招添商人前往武漢黃德及江西各引岸先後增復大引五六萬道與舊商輪流環運仍比照舊商繳白萬之例飭令每票先捐銀一千兩作為本年及來年票本捐輸光緒八年以後一律按綱繳捐統由部頒引照俾資世守以歸劃一夫民間日食有常不因裁引加餐即不至因增票減食引票輪銷有定後到不准搶先已運亦不能壓後縱令下次環運之期稍遲於課鹽固萬無損也同治十年曾國藩奏報課鹽有云運商轉運極滯壩鹽擁積尤多而是年增湘鄂西三岸四萬引不以滯銷為疑乃十一年銷數比十年多三四萬引嗣後銷數歲有所增此增引無礙銷路之確據也況鄂西缺額本有二十五萬餘引今祇酌復五分之一淮南尚綽有餘地此五六萬新引插入舊商中迫以不得不銷之勢由江督責成各省督銷局員或仿照湘岸辦法於武漢黃德及西省多設分局或令運赴荆澧等處與川鹽併銷均與舊商一體環運使新舊商人各盡其力如能爭先運銷一二年後銷數必大有可觀正不必斤斤與川商力爭引地而荆澧各屬既有淮鹽前往敵銷

由漸而進自可徐圖規復全地舊額引數自可漸復矣一擬請收票本之捐以應急需也鹽務自道光中葉以後積弊已深前兩江督臣陶澍奏裁根窩以來兩商就理奏改票販而後北引溢銷曾國藩核定新章萬綱法於票法之中仍不失陶制遺意近來票販把持利藪仍與根窩無異本年部臣奏收票本捐輸飭令每綱繳捐一次仍不奪其世守之業操縱極爲得法嗣因吳元炳復稱淮南商輸銀百萬請免歲捐究寬淮南綱利已久每年繳捐實不爲過惟部議原分上中下三等則自千金至六百金尙嫌重下以爲歲取有常不妨從輕果能源源相繼實於餉需有益應請 勅下兩江督臣責成運司照飭淮南商每綱商淮南每引捐銀一兩淮北每引捐銀五錢核計運北三十萬引淮南歲銷四十萬引每歲可收捐銀五十餘萬與部臣原奏銀數不甚懸殊現在兩淮銷路尙可擴充將來銷數加暢則捐數亦多可收永遠有著之餉淮南商現已繳銀百萬應請將本年及來年捐輸寬免從光緒八年起每年領運時按票收捐以示體恤此項銀兩專款解部以備中外要需仍由戶部頒發引照按名填給各商承領准其子孫世守非有大故不得輕議更改於各商亦實有益一擬請減薪水之費以紓商力也部議有云商力不可不恤商情不可不知臣所謂仍收票本之捐酌增新商之引嚴查舊商之弊商情已無遁飾矣而商力之疲要不容不加體恤查近年各省票商所出無名之費爲數甚巨湘岸於司道府縣各衙門書役皆有辦公經費每引

繳銀三錢六分又有籌補公費專供督銷局員之用每引收銀三錢六分上年湘岸運銷十二萬數千引卽此兩項已出銀八萬矣查會國藩奏定章程原有每引收岸費三錢之案局用有餘今湘省於岸費之外一年加收至七八萬之多實屬浮費鄂岸所出各處緝私經費亦略等皖西等岸名目又殊揚州又有保甲局費每引收銀八分每年約收銀三四萬兩此在商人自願出資各衙門書役藉以辦公原與他項陋規有間究之總爲無名之費今既飭收崇本捐則此等雜費必應停止俾商有餘力可以勉抒報効之忱所有各岸雜費除淮南有安定梅花書院捐淮北有耆棚捐湘岸另有淮南公局經費每引一錢二分專供緝私勇糧及育嬰保節各營堂之用西鄂岸有育嬰等捐淮北有施藥捐營棲所捐均照常繳捐外其餘一概停止永著爲令從前川省鹽務陋規至重丁寶楨一舉而廓清之鹽法遂成大效詩云伐柯伐柯其則不遠此之謂也以上七條皆陸續訪之衆論參之愚見區區器逆之言相應請 旨飭部核議

上諭給事中戈站奏准鹽積弊已深亟宜變通成法一摺著戶部議奏○戊申諭總理各國事務衙門王大臣等會紀澤書押准照案用全權大臣字樣○以吳德溥爲雲南布政使易佩紳爲貴州按察使○庚戌諭軍機大臣等會紀澤來電均悉該大臣據要力爭顧全大體深爲不負委任卽著照此定約書押約章字句務須悉心斟酌勿稍疏忽○諭富爾孫奏在逃官犯潛回滋事請旨懲辦一摺杭州駐防已革雲

騎尉伊里亨前因犯事脫逃緝拿未獲膽敢潛回糾集無賴藉端抄掠實屬目無法紀伊里亨著從重發
往黑龍江充當苦差以示懲儆該部知道○癸丑諭榮毓等奏箱存銀盤圖知請飭部訊辦並請議處
一摺 孝陵庫存器皿經榮毓等於本年十一月派副領催闊恆帶領掃夫赴庫領取開箱查對內短銀
金銀印盤十六件封條情形亦有不符所失器皿查無下落實屬不成事體副領催闊恆擅行擅放夫幼丁
曹祥潛保坐班弄唐阿吉順語順禮部貼寫郭從生打果人馬四順楊八著即解交刑部嚴行審訊按律
懲辦榮毓榮頤景瑞疎於覺察亦難辭咎著交各衙門議處並著內務府將庫存鍍金印盤暫發十六件
由榮毓等派員領回備用餘著照所議辦理該部知道○甲寅榮毓等奏准理藩院咨傳侍郎阿昌阿帶
領該呼圖克圖堪布喇嘛等於十一月二十六日由京起程一路應任之處遵照嘉慶四年所奉諭字
諭旨內呼圖克圖堪布頭等站住燕郊行宮外朝房次日住薊州獨樂寺第三日住隆福寺第四日至
陵差竣程途照前等因欽此咨行前來奴才等遵即轉行一體遵照預備十二月初一日侍郎阿昌阿洞
闊爾呼圖克圖堪布喇嘛等到 隆福寺初二日阿昌阿恭謁 陵寢初三日辰刻帶領洞闊爾呼圖克
圖堪布喇嘛等恭詣 惠陵交進 供物佛尊 奏書等件奴才等率領司員敬謹接收於 隆恩殿前
檐下陳設黃案將 奏書哈達佛尊畫像供於案上藏香紅花簪穩列於兩旁侍郎阿昌阿詣月臺前敬

謹行禮次令洞閣爾呼圖克圖前藏堪布敬誦叩謁帶領喇嘛等分班復至月臺上啼兒退至西配殿
內排設法器念經事畢由阿昌阿帶領退出奴才等率領司員敬啟隆恩殿門將鍍金佛十一尊安供
東暖閣佛樓上層兩旁案上畫佛像二十二軸轉供佛樓下奏書三件哈達三方請至西品爐內
焚化其餘紅黃粗細藏香三百四十三束黑白香四匣紅花二百五十兩各色蠟燭七十筒收藏東
配殿內○定陵成案藏香芸香紅花蠟燭過祭分次敬謹焚化畫軸佛像成作黃箱請至隆福
寺廟內供奉報聞○乙卯上詣大高殿祈雪○丙辰上幸西廠園賞跋○戊午諭前據銘安奏請
調總兵唐仁廉差遣旋據李鴻章奏該總兵統帶所部駐防海口且有承辦要務未能派赴吉林茲據
安喜昌奏稱現聞該總兵修築礮臺業已告竣仍請飭調赴吉總統三姓防營沿江礮臺亦令相度辦理
等語李鴻章即飭該總兵迅赴吉林俾資防守○命桂全程祖誥告祭后土○辛酉以孟春時享太
廟上前期親詣行禮○壬戌歲暮肅祭太廟遣載敬恭代行禮○是年印度加爾各達王聯林德羅
門他果耳獻樂譜樂器○羅馬尼亞國王沙勒爾第一遣使來告卽位○統計出口貨值銀七千八百八
十八萬三千五百八十七兩進口貨值銀七千九百二十九萬三千四百五十二兩相抵虧一百四十萬
九千八百六十五兩凡徵貨稅銀一千四百二十五萬八千五百八十三兩

臣朱壽朋敬編

臣章士瑒恭校

光緒七年辛巳春正月甲子朔元日節寅刻 上詣 奉先殿行禮叩刻詣 慈寧宮行禮 御中和殿

受禮太和殿受賀又至 大高殿 聖人堂 藥王前拈香○諭軍機大臣等自光緒七年孟春時享

太廟爲始前期一日恭詣行禮循照舊例出午門端門進 太廟前門該衙門敬謹預備○乙丑協辦大

學士兵部尙書沈桂芬卒命以勒載漪前往奠醴贈太子太傅入祀賢良祠給銀二千兩治喪賞其子文

灝舉人等賜祭葬諡文定○頒給奉天巨流河柳溝河 神廟匾額○內寅以李鴻藻爲兵部尙書○郡

王銜員勒載治卒命惠郡王奕祥前往奠醴照郡王例賜卹子溥倫承襲貝子溥侗封二等鎮國將軍○

戊辰諭盛京刑部侍郎啟秀奏局員迴設重案酷刑斃命請派大員查辦一摺據稱奉天旗人李泳智等

因姦殺害工部六品官袁祥父子身死一案前因犯供與呈詞情節歧異經該侍郎駁令覆審該局委員

意存迴護酷刑致斃兇犯捏報病故等語案關旗民殺害職官局員體混迴護亟宜澈底根究以成信讞

著將全案人證卷宗卽行解京交刑部嚴審確情按律定擬具奏另片奏盛京刑部司員請復舊章毋庸

派與州縣官會審案件等語嗣後奉省地方案件除奏明會同刑部審辦外其餘毋庸派令司員會審○
庚午諭照祥奏正藍旗護軍營著內庫存銀兩被竊護軍增福受傷身死請將值班護軍校等交部審訊
章京等分別議處並自請議處等語該庫值班護軍校德福護軍連山著先行斥革交刑部嚴審確情印
務處值班章京花翎續年護軍校榮山英琦毫無覺察護軍參領祥普副護參領全祿護軍參領司鑰長
倭什布長緒幫辦印務章京護軍參領恆瑞亦難辭咎著一併交部分別議處照祥著交部議處嗣著
步軍統領衙門順天府五城一體嚴拿兇犯務獲究辦○壬申 上諭 太廟行禮○命護理陝甘總督
楊昌濬會辦新疆善後事宜○左宗棠奏 臣山哈密入關徑抵蘭州幸免停滯沿途察看民物安阜較五
年以來大有起色耕種日廣民食漸充白麵一斤值錢十文雜糧市價遞減窖藏甚多營業既禁以其順
地改種草棉向之衣不蔽體者亦免號寒之苦近更廣植柘桑關內外設立蠶織局收買桑葉蠶繭俾民
之不知何蠶繅絲者均可獲利蘭州織呢局結構宏敞安設機器二十具現開織者尙祇十具所成之呢
益見精緻中外師匠及本地藝徒率作興事且起有功途中所見溝洫橋梁靡不整飭水利興焉道傍所
種榆柳業已成林自嘉峪關至首陰隴地沙磧外拱把之樹接續不斷行過學塾時聞誦聲士庶歡稱承
平時所未有也竊念窮邊戡戡之後氣象更新嗣此復得同心之侶將來繼續而恢張之邊氓獲福豈有

涯量是 皇仁廣被西陲永遠無極也 臣此次去隴駁去閩時無回顧之虞尤爲私幸按察使銜安肅道王必達甘涼道鐵珊於禁種黨聚一事極爲認真捕治游勇興修水利平治道路栽植樹株均能盡心勸督鐵珊散布羊種學生蕃息尤視成効肅州知州保古勤恤民隱有利必興均爲難得王必達可否 賞給二品頂戴鐵珊可否 賞加按察使銜保古可否 賞加知府銜以償前勞而策後効得 旨如所請行○癸酉諭前據潘祖蔭奏同縣呈進已故孝廉方正江蘇貢生陳英所著毛詩傳疏一書當交南書房翰林閣看據陳英於嘉慶道光年間積三十年之功乃成此書篤守毛氏專力研求無過之者該貢生研精詩學於毛亨詁訓頗能闡發洵屬有裨經義所進之書即著留覽○甲戌命貝勒載灃爲宗人府族長○周德潤奏士人進身之路以立品爲先大臣薦士之心以秉公爲貴恭逢 皇上御極之初 命天下保舉孝廉方正典至隆也然其名甚美其實難副昔漢用董仲舒言令列侯郡守擇吏民賢者歲貢各二人而茂才孝廉於是始宋太宗卽位思振淹滯賜諸科出身者五百餘人薛居正等以爲取人太驟而倖倖之心申於士習者且數百年而不可返夫砥節礪行之儒大都不求聞達其虛聲動衆者必非真材況黃緣以求保薦耶近聞各直省所舉孝廉方正名實相副者固不乏人其虛應故事曲徇人情者尤指不勝屈而鄉曲之士遂以奔走郡縣聯絡紳耆爲捷徑致令卑汚庸劣之輩濫廁孝廉方正之名殊非

朝廷敦崇實行之意請 通諭各督撫加意訪求秉公保薦甯缺毋濫力矯徇情之弊以杜倖進之心

上諭翰林院侍讀周德潤奏各省孝廉方正請飭求公保薦等語各省遵保孝廉方正自應採訪名實相符者登諸薦剡若如所奏竟有徇情濫舉等弊尙復成何事體著各該督撫加意訪求秉公保薦用副朝廷敦崇實行至意如無實在可保之人卽不得濫竽充數以杜倖進將此通諭知之○乙亥恆訓丁寶楨奏迭據委員知府楊福萃稟稱十月初一日曉對番官索康色到裏謁見舉止言語極爲狂悖楊福萃先責之以大義繼撫之以溫語令其撤兵不准附和該番官狡詐支吾遲延三日僅將兵退紮空垣山後仍暗使查泉首逆工卻得且達馬貢大等帶領千餘人日肆滋擾楊福萃以查夷此次勾結外番恃橫無忌非示威無以懾其心卽索康色亦不知儆隨派都司張洪得千總馮漸遠等帶弁勇三百名屯紮拉捕地方密令正副土司調集土兵約期攻擊初六日查逆四出焚掠張洪得等會合土兵前後截剿斃賊多名軍功李朝富奮勇當先刺殺工卻得且割獲首級達馬貢大等紛紛潰散連夜率眾敗歸三寨始將寨垣圍解膽番乃陸續撤回惟索康色尙帶三百餘人盤踞裏塘要求賞需楊福萃多方駕馭賞茶六百包該番官仍復逗遛楊福萃因密諭該弁兵等不准擅動軍械但揚言如敢抗拒卽行攻擊並聲稱已調阜和明正漢土官兵不日卽到懾以聲威索康色聞風惶懼始於十四日徑帶查泉首逆格桑登丹工布朗杰

扎祿工呷三首犯逃回曠對楊福萃以查逆被該番官帶回則查夾搆衅之事無憑訊辦不得已一面將各處被難土民酌發銀兩撫卹一面調毛了崇善曲登三處土兵一千數百名派都司楊福恆張洪得等帶領分攻上下兩寨而白率弁兵進圍中寨二十八九等日三路齊集先行大張示諭准其投誠免罪詎達馬貢大等乃敢率黨抗敵楊福恆手執洋鎗將其擊斃我軍乘勢鎗礮環施各番見逆首殲除羅跪寨前泣稱均係各土司部民誤被煽惑情願悔罪歸誠不敢再叛楊福萃察其真切許以不傷一人卽令引官軍入寨搜捕餘逆贖罪旋據張洪得等各擒獲索朗江策扎桑阿惹丹者汪學喜扎此日及格桑登丹之子汪清工布汪杰之弟成勒以業莫則江策等十餘首犯回營訊明分別辦理並飭弁兵將寨內圍牆及礮樓十餘座概行拆毀三寨一律蕩平木拉石數百番戶仍來歸土司管轄其投順各番楊福萃先恐嚇以同惡共濟必加誅戮之言而密令各土司代求恩貸迺悉再三方飭核實造冊將其領回各安住牧而諭以後務受土司約束不准妄爲均感激欣而去楊福萃卽於十一月初八日帶兵折回夾塘籌辦善後等情先後具報前來臣等查查桑野番原係夾塘部落其始不過數十家歷年逼脅土民遂多至一千七八百戶自咸豐初年卽恃其羸悍強橫冒充夾塘劫劫爲生嗣又投附工布朗結黨惡助逆歷經前督臣派員辦理率皆敷衍蠅縫愈縱愈驕毫無忌憚本年夾塘土司喇嘛調兵攻擊實亦忿極使然並非

無故尋仇詎該番吏串膽夷圍攻官寨臺垣實屬異常頑梗若不相機懲創將來擾亂益深自楊福萃督同兵弁斃匪多名而查逆膽寒擊退膽夷而番官氣沮帶兵進取礮寨悉平遂使索朗江策等成擒授首木拉石番戶仍隸安塘該野番從此或可冀其安靜且從前每次查辦糜費總在七八萬金此次楊福萃體念時艱力求撙節且辦理迅速用銀不過二萬數千兩尤爲事半功倍等現飭該員務將善後事宜悉心籌畫議明條約永遠遵行並令嚴諭各土司將投順各番加意撫綏不准殘虐苛斂別釀弊端一面飛咨駐藏大臣轉行商上勒令索康色迅將帶回之格桑登丹等三逆交出歸案究辦以杜後患並將該番官索康色撤回治以越境滋擾之罪另派曉事番員接戍以期邊地又安至委員臨運使銜卽補知府鼓勇巴圖魯楊福萃不辭艱苦於冰天雪地中肅功妥速洵屬勤勞卓著相應仰懇 天恩准其俟補缺後以道員用並 激換清字號出自 逾格鴻施其餘出力員弁可否容 等擇尤酌保以示鼓勵上諭恤訓丁寶楨奏官軍剿辦查察野番殄擒番逆安塘肅清一摺上年冬間四川查察野番句結膽對番兵圍攻官寨臺垣焚殺搶擄經恤訓等飭委知府楊福萃查辦肅對番官索康色狡詐支吾將兵退紮臺垣山後仍畱令查察首逆工卻得且達馬貢大等日肆滋擾楊福萃督同兵弁先後將工卻得且達馬貢大等擊斃並擒獲索朗江策等十餘犯三寨一律蕩平索康色帶同查察首逆格桑登丹工布朗杰

扎景工匪三犯逃回贖對即著復訓等咨照駐藏大臣嚴飭索康色將格桑桑丹三犯交出歸案究辦並治索康色以越境滋擾之罪知府楊福萃則辦番匪尙爲妥速著俟補缺後以道員用並賞換逢春巴圖魯名號其餘出力員弁准其擇尤酌保毋許冒濫該處善後事宜並著妥爲籌辦該部知道○內子頒給甘肅涼昌府雷祖廟匾額○丁丑上詣奉先殿壽皇殿行禮○戊寅上御保和殿賜廷臣筵宴○己卯上詣大高殿祈雪○辛巳樓外書奏臣風聞浙江仙居縣有私設班館羈押多人名爲賭番所每一詞訟牽累殷富則胥差先爲拘禁當進押日每名應用油水麪茶諸名色以家道之厚薄爲錢數之增減稍不滿欲卽施以惡刑多端無論附監良民概同汚辱聞該縣班館至有羈押五六十人雖奉憲札須月報羈押人數而冊內隱匿每月只報一二人甚至有拖排三四年未放者竊維州縣禁設班館以除詐擾詞訟務須速結以免拖累例有明文今該縣私押至於如此之多民生何以安業一縣如此恐他縣亦在所不免浙省如此恐他省亦在所不免請飭浙江巡撫查明懲禁並請旨通飭各省督撫如有州縣私設班館嚴查禁革上諭給事中樓外書奏請旨嚴禁州縣私設班館等語私設班館有干例禁據稱浙江仙居縣班館羈押多人月報隱匿胥役任意需索陵辱良民各情如果屬實殊屬貽累民生著譚鍾麟確切查明照例懲辦此等情弊恐行省亦所不免並著各該督撫嚴飭所屬一體認真查

禁以安閭閻○壬午予直隸大城縣孝子貢生宋紹濂旌表○甲申 上請 大高殿拈香○頒給直隸

武強縣 關帝廟 城隍廟 龍神廟匾額○劉長佑等奏雲南自道府以下未入流以上請暫停分發

三年允之○諭京察記名人員將次簡放完竣著內閣部院各衙門於京察一等未經記名各員內遴選

才具優長者出具切實考語保送由吏部帶領引見○左宗棠奏甘省地方素稱瘠苦然織皮之利紀於

禹貢且土厚水深五金並產臣度隴以來隨地訪察竊謂流已無可再節而源尚可開者斯亦善後之一

端也光緒四年飭滬局採運委員胡光墉延訪德國織呢開河盤井淘金師匠帶購機器來蘭藉資練習

曾於奏陳新疆善後事宜案內聲明在案上年機器師匠先就關內試辦於省城南關外蓋造織呢機器

局一所委道員張宗翰楊銘溶總兵賴長經理其事本年夏間各項機器到齊克期開辦現在呢已織成

多疋雖尚不如外洋之精緻大致已有可觀從此日求精密不難媲美共設洋機二十架現開機六架餘

俟舊徒習熟乃可按機分派織造開辦後通計每年可成呢六七千疋甘省羊毛價值尚廉數年之後不

但可以收回本銀而西陲創此利源於地方不無裨益其河渠工程先從涇河試辦去秋於平涼設局委

署平涼縣知縣廖溥明經理開辦以來渠工已成四十餘里河工已開成三百五十餘丈惟涇河多石據

德國開河師匠稟稱尚有取石挖土機器已飭胡光墉購買俟其運到挖取如果用力少而成功多自當

不惜工本以寬其事至若淘金開井機器太小上年試辦一二處不甚得力比將洋匠米海釐釐效泗等
遺歸西甯甘涼一帶產金之地現仍招集商民開採以收地利總之欲善其事必先利其器而招洋匠購
機器以織呢開河事屬始創一切用款固不能以常例扣除淘金機器價銀由胡光墉捐助外總計購買
織呢開河掘井機器價值並照章入口完稅等項湘銀一十一萬八千八百三十二兩零並由德運滬由
滬運鄂再由鄂遞運到甘保險及水陸運費共湘平銀七萬二千九百七十五兩零起造局屋洋匠通事
委員司事各項薪糧局役製辦器具共湘平銀一十一萬三百五兩零皆是實用實銷亦無例案可循臣
宗棠現奉 旨北上所有動用購買機器招募師匠保險運腳設局開辦各經費懇 恩歸入本年九月
以前軍需案內一併開單報部以昭核實得 旨如所請行○內戊諭李瀚章奏總兵積勞病故請旨
賜卹一摺湖北鄖陽鎮總兵周有全於咸豐年間統帶水師分防蕪黃克復小池口九江等處保全樞城
巨鎮在營二十餘年戰功甚著自簡授總兵後整頓營伍辦事亦能認真茲以積勞病故殊堪憫惜周有
全著照軍營立功後積勞病故例議卹並將事蹟宣付國史館准在立功省分建立專祠以彰忠藎○丁
亥命史念祖來京以魏光燾爲甘肅按察使○以肅清甘肅瓜子溝番匪出力子道員劉璈等優敘○戊
子總理各國事務衙門奏屢接出使日本國大臣何如璋兩述朝鮮近日漸知變計商與美國立約請由

中國代爲主持擬變通商制嗣後遇有朝鮮關係洋務緊要之件由北洋大臣及出使日本大臣與該國通遞文兩相機開導得 旨如所請行○李鴻章奏准出使德國大臣兼肄業監督李鳳苞開前因福建船政選派駕駛製造生徒出洋肄業經該大臣偕同洋監督日意格隨員馬建忠文案陳季同繙譯羅豐祿等於光緒三年三月內到洋督率肄習三年陸續學成咨送回華其展限補習四月者扣至六年八月亦一律完畢分別留洋遣回在案調查出洋生徒在船時各限功課不令閒曠既抵英法專延洋師補教以充根柢一面偕同洋監督面商英法部臣將在英之駕駛生先派三生登鐵甲船九生入格令尼次官學續將官學八生調入鐵甲船學習歷赴地中海大西洋美利堅阿非利加印度洋等處學習操防排布迎禦之法迨離船後又專延教習補授電氣鎗礮水雷各法具有船主憑單給執並照章酌量游歷工艱以廣見識是駕駛諸生在船學習不止原定章程分班五六人上鐵甲船已也其在法之製造生先送四生入側浦官學五生入多廊官廠其餘派入汕谷側官廠學及科魯蘇民廠分習開採烹鍊鑄等事旋經商明部臣將汕谷側五生入巴黎官廠學其製造徒初派民廠補習工藝續經分送蘇隆及向海士等官廠學該生徒等各照官學所定章程專門洋師按年甄別給執官憑並酌量游歷英法比德各國新式機器船械各廠以資考訂凡有傳習各生徒俱已登功雖大寶不一造就有深淺之殊而按章督

課實與諸官學卒業之洋員無所軒輊其製造者能放手造作新式船機及應需之物駕駛者能管駕鐵甲兵船調度布陣其製造如魏瀚陳兆翱鄒清濂林怡游開採鑄煉如羅臻祿林慶升駕駛如劉步蟾林泰曾蔣超吳方伯謙薩鎮冰頗爲優異其餘加以陶鎔均可成器皆有考取確據委與原定章程辦有成效之語相符苟非在事各員指臂相資未克臻此所有出力各員除正一品前船政監督日意格屢稱渥荷 降恩不敢再邀獎敘及隨員候補道馬建忠業經 奏獎襄辦文案縣丞錢德培不及三年存記勞績外其文案陳季同繙譯羅恩聯出使德國二等參贊官徐建寅幫辦監督洋員斯恭塞格洋文案商民邪等五員辦理文案繙譯襄助華洋監督移調生徒料管妥協及偕同前赴各廠考求機器製造採鍊並查察功課兼習律例公法化學政治等事均能始終勤奮辦理有成應請照案 奏獎允之○已丑出使俄國大臣曾紀澤在俄都森彼得堡與彼外部大臣格爾斯暨前駐華公使布策改訂條約二十款專條一又陸路通商章程十七款卡倫單一成其文曰 大清國 大皇帝大俄國大皇帝願將兩國邊界及通商等事於兩國有益者商定妥洽以固和好是以特派全權大臣會同商定 大清國欽差出使俄國全權大臣一等毅勇侯大理寺少卿曾大俄國欽差參政大臣署理總管外部大臣薩那特耳部堂格參議大臣出使中國全權大臣布兩國全權大臣各將所奉全權 諭旨互相校閱後議定條約如左 第

第一款 大俄國大皇帝允將一千八百七十一年即同治十年俄兵代收伊犁地方交還 大清國管屬

其伊犁西邊按照此約第七條所定界址應歸俄國管屬 第二款 大清國大皇帝允降 諭旨將伊

犁擾亂時及平靖後該處居民所爲不是無分民教均免究治免追財產中國官員於交收伊犁以前遵

照 大清國 大皇帝恩旨出示曉諭伊犁居民 第三款 伊犁居民或願仍居原處爲中國民或願

遷居俄國入俄國籍均聽其便應於交卸伊犁以前詢明其願遷居俄國者自交收伊犁之日起予一年

限期遷居攜帶財物中國官並不攔阻 第四款 俄國人在伊犁地方置有田地者交收伊犁後仍准

照舊營業其伊犁居民交收伊犁之時入俄國籍者不得援此條之例俄國人田地咸豐元年伊犁通

商章程第十三條所定貿易圈以外者應照中國民人一體完納稅餉 第五款 兩國特派大臣一面

交還伊犁一面接收伊犁並遵照約內關係交收各事宜在伊犁城會齊辦理施行該大臣遵照督辦交

收伊犁事宜之陝甘總督與土爾其斯坦總督商定次序開辦陝甘總督奉到 大清國 大皇帝批准

條約將通行之事派委委員前往塔什干城知照土爾其司坦總督自該員到塔什干城之日起於三箇

月內應將伊犁交收之事辦竣能於先期辦竣亦可 第六款 大清國 大皇帝允將大俄國自同治

十年代收代守伊犁所需兵費並所有前此在中國境內被搶受虧俄商及被害俄民家屬各案補卹之

款共銀盧布九百萬元歸還俄國自換約之日起按照此約所附專條內載辦法次序二年歸還 第七款 伊犁西邊地方應歸俄國管屬以便因入俄籍而棄田地之民在彼安置中國伊犁地方與俄國地方交界自別珍島山順霍耳果斯河至該河入伊犁河離流處再過伊犁河往南至烏宗烏山廟里扎特村東邊自此處往南順同治三年塔城界約所定界 第八款 同治三年塔城界約所定齊桑河進東之界查有不妥之處應由兩國特派大臣會同勘改以強妥協並將兩國所屬之哈薩克分別清楚至分界辦法應自奎峒山過黑伊爾特什河至薩烏爾嶺畫一直線由分界大臣就此直線與舊界之間酌定新界 第九款 以上第七第八兩條所定兩國交界地方及從前未立界牌之交界各處應由兩國特派大員妥設界牌該大員等會齊地方時由兩國商議酌定俄國所屬之費爾干省與中國喀什噶爾西邊交界地方亦由兩國特派大員前往查勘照兩國現管之界勘定妥設界牌 第十款 俄國照舊約在伊犁塔爾巴哈臺喀什噶爾庫倫設立領事官外亦准在肅州_{即嘉峪關}及吐魯番兩城設立領事其餘如科布多烏里雅蘇臺哈密烏魯木齊古城五處俟商務興旺始由兩國陸續商議添設俄國在肅州_{即嘉峪關}及吐魯番所設領事官於各處附近地方關繫俄民事件均有前往辦理之責按照一千八百六十年即咸豐十年北京條約第五第六兩條應給予可蓋房屋牧放牲畜設立墳塋等地嘉峪關及吐魯番

亦一律照辦領事官公署未經起蓋之先地方官相同租覓暫假房屋俄國領事官在蒙古地方及天山南北二路往來行路寄發信函按照天津條約第十一條北京條約第十二條可由臺站行走俄國領事官以此事相託中國官即妥為照料吐魯番非通商口岸而設立領事各海口及十八省東三省內地不得援以為例 第十一款 俄國領事官駐中國遇有公事按事體之關緊案件之緊要及應如何作速辦理之處或與本城地方官或與地方大憲往來均用公文彼此往來會晤均以友邦官員之禮相待兩國人民在中國貿易等事致生事端應由領事官與地方官公同查辦如因貿易事務致啟爭端聽其自行擇人從中調處如不能調處完結再由兩國官員會同查辦兩國人民為預定貨物運載貨物租賃房屋等事所立字據可以呈報領事官及地方官處應與畫押蓋印為憑遇有不按字據辦理情事領事官及地方官設法務令照依字據辦理 第十二款 俄國人民准在中國蒙古地方貿易照舊不納稅其蒙古各處及各盟設官與未設官之處均准貿易亦照舊不納稅并准俄民在伊塔塔爾巴哈臺喀什噶爾烏魯木齊及關外之天山南北兩路各城貿易暫不納稅俟將來商務興旺由兩國議定則稅即將免稅之例廢棄以上所載中國各處准俄民出入販運各國貨物其買賣貨物或用現錢或以貨相易俱可并准俄民以各種貨物抵帳 第十三款 俄國應設領事官各處及張家口准俄民建造鋪房行棧或

在自置地方或照一千八百五十一年即咸豐元年所定伊塔塔爾巴哈臺通商章程第十三條辦法由地方官給地蓋房亦可張家口無領事而准俄民建造鋪房行棧他處內地不得援以為例 第十四款

俄商自俄國販貨由陸路運入中國內地者可照舊經過張家口通州前赴天津或由天津運往別口

及中國內地并准在以上各處銷售俄商在以上各城各口及內地置買貨物運送回國者亦由此路行

走并准俄商前往肅州

即嘉峪關

貿易貨物至關而止應付利益照天津一律辦理 第十五款 俄國人民

在中國內地及關外地方陸路通商應照此約所附章程辦理此約所載通商各條及所附陸路通商章

程自換約之日起於十年後可以商議酌改如十年限滿前六箇月未請商改應仍照行十年俄國人民

在中國沿海通商應照各國總例辦理如將來總例有應修改之處由兩國商議酌定 第十六款 將

來俄國陸路通商與匪如出入中國貨物必須另定稅則概現在稅則更為合宜者應由兩國商定凡進

口出口之稅均按值百抽五之例定擬於未定稅則以前應將現照上等茶納稅之各種下等茶出口之

稅先行分別酌減至各種茶稅應由中國總理衙門會同俄國駐京大臣自換約後一年內會商酌定

第十七款 一千八百六十年即咸豐十年在北京所定條約第十條至今請解各異應將此條聲明其

所載追還牲畜之意作為凡有牲畜被人偷盜誘取一經獲犯應將牲畜追還如無原物作價向該犯追

償倘該犯無力賠還地方官不能代賠兩國邊界官應各按本國之例將盜取牲畜之犯嚴行究治並設法將自行越界及盜取之牲畜追還其自行越界及被盜之牲畜蹤跡可以示知邊界兵并附近鄉長

第十八款 按照一千八百五十八年五月十六日即咸豐八年在愛琿所定條約應准兩國人民在黑龍江松花江烏蘇里河行船并與沿江一帶地方居民貿易現在復為申明至如何照辦之處應由兩國再行商定 第十九款 兩國從前所定條約未經此約更改之款應仍舊照行 第二十款 此約奉

兩國 御筆批准後各將條約通行曉諭各處地方遵照將來換約應在森彼得堡自畫押之日起以六箇月為期兩國全權大臣議定此約備漢文俄文法文約本兩分畫押蓋印為憑三國文字校對無訛遇有講論以法文為准 議定專條 按照中俄兩國全權大臣現在所定條約第六條所載中國將俄兵

代收代守伊犁兵費及俄民各案補卹之款共銀盧布九百萬圓歸還俄國自換約之日起二年歸完兩

國全權大臣議將此款交納次序辦法商定如左 以上銀盧布九百萬圓合英金磅一百四十三萬一

千六百六十四圓零二希令勻作六次除兌至倫敦匯費并唐山中國付給外按每次中國淨交英金磅

二十三萬八千六百一十元零十三希令八本土付與倫敦城內布拉得別林格銀號收領作為每四箇

月交納一次第一次自換約後四箇月交納末一次在換約後二年期滿交納此專條應與載明現在所

條約無異是以兩國全權大臣畫押蓋印爲憑 網改陸路通商章程十七款 第一款 兩國邊界自

里之內准中俄兩國人民任便貿易均不納稅其如何稽察貿易之處任憑兩國各按本國邊界限制辦

理 第二款 俄國商民前往蒙古及天山南北兩路貿易者祇能由章程所附清單內指明卡倫過界

該商應有本國官所發中俄兩國文字並譯出蒙古文或回文執照漢文照內可用蒙古字或回字註

明商人姓名隨人姓名貨色包件牲畜數目若干此照應於入中國地界時在附近邊界中國卡倫呈驗

該處查明後卡倫官蓋用戳記爲憑其無執照商民過界者任憑中國官扣留交附近俄國邊界官或領

事官從嚴罰辦遇有遺失執照貨主應報明附近領事官以便請領新照一面報明地方官暫給憑據准

其執此前行其運到蒙古及天山南北路各處之貨有未經銷售者准其運往天津及蘇州

即嘉峪關或在該

口銷售或運往內地其徵收稅餉發給運貨執照查驗放行等事均照以下章程辦理 第三款 俄商

於恰克圖尼布楚運貨前往天津應由張家口東臨通州行走其由俄國邊界運貨過科布多歸化城前

往天津者亦由此路行走該商應有俄官所發運貨執照並由中國該管官蓋印照內用中俄兩國文字

註明商人姓名貨色包件數目任憑沿途各關口中國官員迅速點數查看驗照蓋戳放行查驗之時如

有拆動之件仍由該關口加封并將拆動件數於照內註明以憑查覈該關查驗不得過一箇時辰其照

限六箇月在天津關繳銷如該商以爲限期不足應預先報明該處官員倘有商人遺失執照應報明原給執照之官並呈明日期號頭請領新照註明補給字樣一面至就近關口報明查驗相符暫給憑據准其運貨前行如查該商所報貨數不符查該商係有隱匿沿途私賣貨物希圖逃稅情事應照第八條章程罰辦 第四款 俄商由俄國運來貨物路經張家口任聽將貨酌留若干於口銷售限五日內在該關口報明交納進口正稅後由中國官發給賣貨准單方准銷售 第五款 俄商由俄國運來貨物自陸路至天津者應納進口稅餉照稅則所載正稅三分減一交納其由俄國運來貨物至肅州_{即嘉峪關}者所有完納稅餉等事應照天津一律辦理 第六款 如在張家口酌留之貨已在該口納稅而貨物有未經銷售者准該商運赴通州或天津銷售不再納稅並將張家口多交之一分補還俄商即於該口所發執照內註明俄商在張家口酌留之貨已在該口納稅者如欲運入內地應照各國總例再交一子稅_{即正稅} 該口發給運貨執照應於沿途所過各關卡呈驗如無執照者則逢關納稅過卡抽釐 第七款 俄商由俄國運來貨物至肅州_{即嘉峪關}欲運入內地者應照章程第九條天津運貨入內地之例一律辦理 第八款 俄商由俄國運來貨物至天津除報明酌留張家口之貨外如查有原貨抽換或數目短少與原照不符即將所報查驗之貨全行入官但沿途實係包箱損壞必應改裝者該商行抵就近關口

報明如查驗原貨相符即於執照內註明方可免其議罰倘有沿途私售一經查出其貨全行入官如係
繞越捷徑不按第三條所載之路行走以避沿途關卡查驗一經查出罰令完一正稅如係車馬運天作
弊有違以上章程貨主實不知情該關應體察情形分別罰辦惟此辦法係專指俄國陸路通商經過各
處而言各海口及各省內地遇有以上情事不得援以為例其罰令入官之貨如商人願將原貨作價交
官准其與中國官按照原貨估價交官亦可 第九款 俄商由俄國自陸路運至天津之貨如由海道
運往議定通商各口應按照稅則在天津關補交原免三分之一稅銀俟抵他口不再納稅如山天津及
他口運入內地應按照稅則交一子稅即正稅 照各國總例辦理 第十款 俄商在天津販賣土貨回
國應由第三條所載張家口等處之路行走俄商運貨出口應交出口正稅若在天津販買復進口土貨
及在他口販賣土貨經津回國如在他口全稅交完有單可憑至此不再重徵該商交稅後在一年限內
出口回國將在天津所交復進口半稅仍行給還俄商運貨回國領事官發給兩國文字執照註明商人
姓名貨色包件數目若干由該關蓋印該商務須貨照相隨以憑沿途各關口查驗放行其繳銷執照限
期並遇有遺失執照等事均照第三條章程辦理該商應照第三條所載之路行走沿途不得銷售如違
此章即照第八條所定章程罰辦沿途各關卡查驗貨物應照第三條章程辦理至俄商由蘇州即嘉興關販

運該處土貨及在內地所買土貨運往該處回國者所有完納稅餉等事均照天津一律辦理 第十一

款 俄商在通州販賣土貨由陸路出口回國應照稅則完納出口正稅其在張家口販賣土貨出口回

國應在該口納一子稅_{即正稅} 俄商由內地販賣土貨運往通州張家口回國者照各國在內地買貨總

例應再交一子稅由各該關口收稅發給運物執照其在通州賣土貨回國者應在東壩報明收稅發給

執照沿途不得銷售應於執照內載明其山以上各處運貨出口發照驗貨等事應照第三條所載章程

辦理 第十二款 俄商在天津通州張家口嘉峪關販運別國洋貨由陸路出口回國如該貨已交正

稅子稅有單可憑不再重徵如祇交過正稅未交子稅該商應按照稅則在該關補交子稅 第十三款

俄商販運貨物進口出口應照各國稅則及同治元年所定俄國續則納稅如各國稅則及續則均未

備載再照值百抽五之例納稅 第十四款 凡進口出口免稅之物如金銀外國各銀錢各種麪砂穀

米麪餅熟肉熟菜牛奶酥牛油蜜饌外國衣服金銀首飾攪銀器香水胰碱炭柴薪外國蠟燭外國烟絲

烟葉外國酒家用雜物船用雜物行李紙張筆墨雕鏤鐵刀利器外國自用藥料玻璃器皿以上各物由

陸路進口出口皆准免稅惟由章程內載各城及各海口運往內地者除金銀外國銀錢行李三項仍掛

牌讓外其餘各物皆按每值百兩完納稅銀二兩五錢 第十五款 違禁之物如火藥大小彈子礮位

大小烏鎗并一切軍器等類及內地食鹽洋藥均屬違禁不准販運進口出口如違此例即將所運違禁之物全罰入官俄國人民前往中國者每人准帶烏鎗或手鎗一桿護身填入執照又硝磺白鉛須奉中國官發給准單方准俄商運進口內如華商特奉准買明文方准銷售中國米銅錢不准販運出口外國米穀及各種糧食皆准販運進口一概免稅 第十六款 俄商不准包庇華商貨物運往各口 第十七款 凡有嚴防偷漏諸法在憑中國官隨時設法辦理 中俄卡倫單 一胡柏里志呼即俄名斯他羅祖魯海圖斯基 二則林圖即俄名查罕額羅業甫斯基 三毛萬子格即俄名克留甫斯基 四烏梁圖即俄名庫魯蘇他業甫斯基 五多羅洛克即俄名查蘇車業甫斯基 六霍林納拉蘇即俄名杜魯勒古業甫斯基 七呼拉查即俄名托克托爾斯基 八巴揚達爾噶 九阿深嘎即俄名阿深金斯基 十噶拿即俄名們森斯基 十一烏阿勒嘎即俄名沙拉郭勒斯基 十二庫達拉即俄名庫達林斯基 十三恰克圖 十四哈拉呼志爾即俄名博齊斯基 十五治爾格台即俄名熱勒都林斯基 十六鄂爾托霍即俄名哈拉采斯基 十七伊勒克池拉穆即俄名哈木爾斯基 十八烏尤勒特即俄名克留甫斯基 十九貝勒特斯即俄名欽金斯基 二十賽郭鄂拉即俄名額庚斯基 二十一金吉里克 二十二攸斯提特 二十三蘇鄂克 二十四查罕鄂博 二十五布爾噶蘇 二十六

哈巴爾烏蘇 二十七巴克圖 二十八喀普他蓋 二十九闊克蘇山口 三十霍爾果斯 三十一

別倫里山口 三十二帖列克第山口 三十三圖魯噶爾特山口 三十四蘇約克山口 三十五伊

爾克什唐單內所開通界各卡可俟中國邊界官及俄國領事官體察情形報明後由中國總理衙門會

同俄國駐京大臣商議酌改將查明可裁之處分別刪減或以便商之處酌量更易亦可○予已故提督

平輝武在湖南本籍建祠○庚寅以寶廷爲內閣學士○辛卯諭御史萬培因奏考試官學漢教習日久

弊生請查照成案於鄉會薦卷內挑取一摺著禮部議奏○諭前因李瀚章奏總兵周有全夙著戰功積

勞病故請旨賜卹當經降旨照軍營立功後積勞病故例議卹並將事蹟宣付史館准在立功省分建立

專祠所請應否予諡未經允准茲據翰林院侍講張楷奏稱該故員濫膺異數請旨撤銷等語周有全從

前尚有戰功業經加恩賜卹該侍講所請撤銷之處著毋庸議惟飾終令典原以彰忠藎而示來茲嗣後

各該督撫遇有請卹人員必須核其功績卓著克孚衆論者方准奏懇恩施以昭慎重不得率行濫請○

諭御史鍾孟鴻奏條陳廣東科場積弊請飭申明定章及各省鄉試進卷請再核議章程各摺片著禮部

議奏○壬辰命大學士左宗棠管理兵部事務在軍機大臣上行走並在總理各國事務衙門行走○鮑

超奏戶部各營現今臘正兩月餉銀并柴草銀兩均已發給齊全惟所領二月之餉內中已提完借款五

萬兩散放二月全餉尙短銀五萬兩緣上年防務方緊不得不先事籌備因借准餉銀十萬兩採買車米期免時變糧盡是以預先挪用一月之餉以儲本年之糧今糧則已儲而所欠借款五萬原議今春歸完何能顧此失彼致誤准餉要需惟部定章程按月請領若三月分祇能領餉銀十萬一千餘兩既須清完借款五萬兩又須補足二月另餉五萬兩則所領三月之餉除歸完借項彌補虧短外尙已用過無存而應放三月正餉急切實無著落雖有已買車米可作抵款又不能全行預給勇丁卽作一次扣抵餉銀應俟三月運載到營按月發米逐漸攤扣跟兩方能抵清十萬之款既須按月攤扣則應放三月之餉實屬無從挹注且下月又遞形短絀勢不得不求爲變通惟有仰懇 聖恩飭下戶部仍照上年成案將三四五三箇月餉銀并柴草銀兩歸併一次發給以後請照三箇月一次備文赴部請領庶足以資周轉並免時常請餉驗發道路往返稽延月餘及沿途應付應解車輛接遞之煩下戶部議尋議奏准將三四兩箇月餉銀歸併一次發給以後仍照章按月請領得 旨如所議行

二月癸巳朔以曾國荃爲陝甘總督並命入覲實授銜榮光爲山西巡撫○諭軍機大臣等本日已有旨將曾國荃補授陝甘總督令卽來京陛見曾國荃接奉此旨著卽啟程來京山海關一帶防務著李鴻章妥爲籌辦○曾國荃奏 臣抵關後病體未痊旋復力疾視事送綬 奏報在案所統皖鄂督省各軍經郭

寶昌劉維楨楊玉書劉連捷等自冬至春朝夕訓練技藝益加嫻熟營規均屬整齊該四員忠勇罕匹本係獨當一面之才到防以來和衷共濟辦事尤爲認真此諸軍各守汛地足以仰慰 宸衷之大端也自去秋夷船游歷各島 朝廷飭辦海防東南各省願忠效義之士卒憤發激昂越數千里北來爭先隨營投効航海而抵山海關者頗不乏人將欲按名收錄撫而用之以備防務緩急之需則餉無所出若徑聽其流落使之飢餓困窮則若輩棄斧已罄衣食不充必至弱者悉填溝壑强者肆行劫奪恐貽地方之害亦是官吏之憂 臣忝司軍旅專顧一隅理宜遇事消患於未萌以期仰副 聖代養兵衛民之至意前後收錄餘勇二千四百餘名派武員黃廷爵李金洲歐陽勝陳啟明楊必仁等嚴密覈管計口授食每日量給米糧錢文以充餘勇日用 臣因寄居關隘款無可籌卽令在於山西每月所解 臣軍防餉項下開支今已數月幸皆安靜無事 臣兄子曾紀澤自俄來信稱議約已有成局大致尙易就緒竊計 廷議撤防應在春間此項餘勇尤宜及早遣散以節糜費第令由直而豫而皖而湘長途二三千里仍慮其騷擾旅店不得不改由水路遣歸以杜擾累 臣咨商直隸督 臣李鴻章飭令候補道盛宣懷雇備招商局輪船數給官價將該餘勇運送回南茲值開河伊邇辦理均有頭緒所有此項口糧及發給川資輪船經費除飭經手文武委員據實臚報並咨行山西海防支應局事竣一律報銷外理合先行陳奏以符案牘至於

臣之病軀入春肝木更旺經絡漸縮每遇颶風鼓動中心搖搖幾若懸旌年未六十不期狼狽困憊竟至如此所幸諸將恪供職守不至稍涉疎懈臣住關養病一俟足能行走卽當請旨回京入覲天顏稍伸犬馬依戀之忱得旨會國藩現已補授陝甘總督著卽遵前旨來京陛見所有在營餘勇卽著先行妥爲遣撤劉連捷等軍應如何分別撤留並著卽照李鴻章酌度辦理○諭宗人府奏已革護軍統領載鶴所兼奉恩將軍應否存留請旨遵行一摺載鶴著准其仍留奉恩將軍○甲午雪○裕祿奏安徽道府以下未入流以上請停止分發三年允之○諭前因總理各國事務衙門奏擬辦球案一摺當經諭令李鴻章劉坤一等妥籌具奏茲據該督等先後覆陳覽奏均悉原議商務一體均沾一條爲日本約章所無今欲援西國約章辦理原非必不可行惟此案因球案而起中國以存球爲重若如所議劃分兩島於存球祀一層未臻妥善著總理各國事務衙門再向日本使臣悉心妥商俟球案妥結商務自可議行○乙未上詣大高殿報謝○戊戌張觀準奏國家設官分職各有攸司我朝定制外則統之以將撫內則綜之以大部內外相維法至善也戶部總握利權凡內而近畿外而直省苟凡倉庫錢漕關稅鹽課盤金捐輸有一不軌於度者皆其專責誠得人而理之亦何至富有天下而時形拮据乎康熙朝國家多事帑藏不充世宗憲皇帝卽位之初特簡怡賢親王總理戶部綜核詳明剔除積弊不數年

開海內鹽盈庫儲充溢追乾隆朝屢興大役軍需浩繁度支未固匱乏成效共賴所宜永遠遵守毋忽也自粵匪搆亂以來各省督撫因時因地每有便宜陳奏朝廷往往曲爲允從部臣亦破例議行原以時局多艱不得不稍通權變今海宇乂安亦有年矣乃各省疆臣積漸成故各存意見或專擅利柄以徇庇私人浸浸乎視定章若弁髦而部臣亦玩愒因循巧於避嫌工於鈎過近年以來疆臣建議每每立見施行間有廷臣條奏飭部核定之件部臣每以情形難於適度仍請交督撫酌議而督撫則積習相沿動以窒礙難行空言搪塞雖有良法美意格而不行內外相掣亦何怪國計之日絀也臣愚以爲外重內輕漸不可長應請旨飭下戶部堂官破除情面實心經畫勿持畏難之見勿存避怨之私庶利權不致倒持國計日有起色謹將管見所及臚列四條一軍餉擬請由部核實也設兵所以衛民我朝兵制於各省分設旗綠諸營官俸軍餉歲支甚鉅聚養在平時原以備折衝於臨事乃道光末年粵匪猝起所犯之處官兵皆望風而逃猶謂承平日久民不知兵也軍興十餘年來用以創粵擒諸匪因大半得力於湘皖練軍遂置額兵於不問當日朝廷慎重武備故凡於撥餉練勇之奏無不曲予允行迨查閱近年各省督撫將軍於籌辦邊防海防事宜摺內輒稱從前布置未合機宜先練之兵皆不足恃一遇邊警又須另撥餉需另練兵勇并日將領亦須另選然則以前統帶之員盡屬冗挑練之兵盡疲弱支放之餉盡

虛糜乎果有此弊胡不及早改弦而更張乎夫舉一營數營之勇以奉一將出則旌旄塞途居則枕戈高臥進無戰鬪之苦退有飽煖之安此雖賢督撫孰不欲其私人擅厥尊寵者於是前任之私人非後任之私人無事之時必多方設法吏調而所用皆鑽營利祿之徒無拳無勇有事之時又須另募而簡擇平日養勇養兵其不能為臨時之用一也亦何事此虛糜乎各省軍務海防報銷半皆浮冒戶兵工三部皆得重貲所以不致挑駁委員送册來京亦可分肥其弊太多夫國強莫如兵精求富莫如費省欲兵之精莫如餉練欲費之省莫如核實臣愚以為舉天下兵籍凡老弱疾病帶傷不能騎射及未經戰陣者悉沙汰之就新練兵內簡選積年經歷戎行士卒分置京師及各省地方以為有備無患之計其歲支餉項統由部臣核撥外臣不得任意浮銷庶兵得實用而餉無虛糜矣一釐金擬請由部綜核出入也軍興以來各省設立卡局抽釐濟餉分為白黃洋藥鹽斤三項統計各省按年收數總在二千萬金上下實為餉源一大宗惟釐金數無定額委員亦無考成其中賣放抑勒白弊叢生督撫瞻徇私情任聽屬吏浮收捏報凡委辦釐金局每多請獎之案而絕少參劾之員致竭商賈之脂膏徒實吏胥之囊橐為政之弊一至於此不特歷經百官條陳部臣核奏即欽奉 聖諭飭查者亦已至再至三而各省仍事宕延置不登覆致戶部無可稽考而勸懲不行應請重申 嚴諭飭下各直省督撫將軍府尹鹽政監督等一體懷遵無論所

收何項釐金統令遵 旨將委員銜名籍貫設局地方某省設局幾處委員幾人某局吏役幾何薪水幾何詳晰分數造具圖冊勒限自此次文到日起近省三月遠省半年一律奏報到部由戶部彙案總查收數多者奏獎細者議罰明定章程俾各省大吏得所遵守委員有所觀感雖不能速清積弊亦可漸冀起色矣如各督撫仍不按限造報應由戶部查明該藩司及該管各官職名照滿職例參革以儆玩泄一鹽務擬請由戶部經理也 國家歲入有常糧漕關鹽四者皆屬維正之供而糧漕關三項軍興後均多停減惟鹽則自抽釐濟餉以來各省收數甚旺蓋舉世無淡食之人卽率土皆銷鹽之地故自古計臣必以鹽鐵爲首務然近來鹽課雖旺而實則解部之課有減無增非僅各省之隨徵隨用也蓋分岸以配引卽分引以繳課引不復徭課何由出岸不復舊引何由增自崇引發於鹽政而戶部既失增減之權自引地借與川商而鹽政亦失行銷之利臣聞邸抄屢見言官條陳部臣核議疆臣會擬無不知以禁私復准爲正辦乃竟格而不行者豈眞昔年計口所配之引今皆淡食不能行銷哉臣竊邸抄中所見者言之湖北知銷大引二十餘萬道計歲短額課幾及百萬之多使行准鹽則此二十萬引之課利必歸公行川鹽則此二十萬引之釐利盡歸私奪歸私者以歸公此事之所以不行也臣愚以爲引地不宜任其久虛歸商不宜聽其壟斷應請 飭令戶部力矯前弊勿得以准駁之柄聽之外臣庶幾後 祖宗之舊制收 朝

廷之利權弊竇一空尤籌餉裕課之要務也一用款請先俟部議督撫不得擅專也查道光以前凡各省有大用度必奏奉 諭旨方敢動用惟賑饑可便宜行事而次荒亦必俟部議始行軍務雖准報銷亦第於已經指撥之款開報動用之細數非不經奏請於前僅於既用後一報了事也且用之不得其當如張照之於軍務高斌之於河工皆著令賠償誠所以重 國帑惜民力弊妄舉也今自軍興以來各省多設軍械局而今之軍械僅有存者一旦設防又紛紛製造多設機器局而今之機器鮮有用者甚或既造之輪船一年加一年之價無用之洋鎗一桿報數桿之值他如礮臺城工等項均隨督撫之意率爾興工及其既成則驢然贅費皆所謂無益之舉也又捐輸雖停而福建四川等省常捐及各省蠶金多歸督撫支用臣愚以為核算於既用之後不若慎重於未用之前請 旨飭下各直省督撫凡有應用之需非必不得已者自應遵照道光以前成法奏請部議施行所有各省常捐並應一律飭停統由京捐局辦理以歸畫一不許倒填年月以杜捐納房之弊庶度支有節而撙節之道部臣可據冊以稽矣統觀近數十年以來凡釐局海關地丁所入之項不下數千百萬全為各省疆吏以及統兵大員聽信機器局船政局海防洋務委員浮冒開銷半屬空冊敷衍而所收之利多為各局委員中飽肥己以致戶部庫內日形空虛可為長太息者此耳以上四條臣謹就見聞所及非剝民以利國非變法以趨時而強幹弱枝規復舊制似

於固本足用之道不無裨益 上諭給事中張觀準奏請開源節流防微杜漸以收利權而裕國計一摺

著該部議奏○壬寅諭前據翰林院侍講張楷奏總兵周有全濫膺異數請將立傳建祠撤銷當以李瀚章原奏聲敘周有全歷著戰功降旨毋庸撤銷茲復據御史鄧承修奏周有全屢被參劾並無戰功竹帛馨香未可濫膺仍請撤銷等語朝廷褒功予卹一秉大公周有全既迭經被人指摘不洽輿情所有將事蹟實付國史館及建立專祠之處著卽撤銷該總兵身歷戎行亦尙著有勞績仍著照軍營立功後積勞病故例議卹李瀚章所請過優亦有不合著交部議處○諭本年輪應查閱福建浙江廣東廣西四省營伍之期福建卽派何璟浙江卽派譚鍾麟廣東卽派張樹聲廣西卽派慶裕逐一查閱認真簡校如有訓練不精軍實不齊者卽將廢弛之將弁據實參奏毋得視為具文○劉長佑等奏准戶部咨議復滇省鹽課額數並變通章程駁令查照定額實力督徵一摺又駁查支款清單一件光緒五年閏三月十九日具奏奉 旨依議欽此欽遵到滇當經轉飭遵辦茲據鹽法道鍾念祖會同布政使升泰詳稱竊查滇省自咸豐四年將額徵正溢課銀徵足照例題銷五年卽值各處匪擾未能報銷迨至省城戒嚴兩連井廠迭遭蹂躪鹽課全無至同治十三年軍務肅清前撫臣岑毓英奏委鹽道提舉大使等官試辦三年僅徵儘解試辦期滿再行奏請定額嗣因試辦四年未著成效應徵正溢課銀雖經各前道督飭各井員實

力僅辦因滇省軍務甫平人民未復銷鹽未能暢旺核計四年徵收鹽課養廉雜支共銀八十一萬三千四百二十七兩零節奉部催以試辦已逾年限即應遵照酌中定額並將造報遲延之鹽道奏參議處當即查試辦四年期內徵收鹽課養廉雜支等款酌中定擬每年請以二十萬三千三百五十六兩零並將四年開除軍餉支給養廉等款造冊詳蒙具奏奉 旨戶部議奏欽此旋奉戶部議覆以鹽課為維正之供絲毫不容短少所請以二十萬兩作為定額之處未便率准應令查照定額二十六萬一千六百餘兩照數徵足其養廉雜支銀十一萬二千九百餘兩亦應照額起徵以備支用等因奉駁轉飭遵照司道等遵查原奏指駁各節自應遵照辦理無如滇省兵燹年久兩運鹽井被賊燬壞過半清水不分商運逃亡自試辦以來招徠新商均不諳採取之術迭經借給柴本修復井甕以為根本督飭井員請求煎煉以便民食惟軍務初平人民未復銷鹽不能暢旺接辦資川鄧川騰越順雲臨安等處叛練土夷相繼滋事道路通塞靡常鹽無銷路即課無來源又兼軍興之後加添鹽釐就井抽收鹽斤並未加價實與正課無異此試辦四年短徵課款之實在情形也至開除養廉雜支各款試辦之初緝私為首所有緝私巡費鹽課解科腳費及督撫道署紙劄引票紙價等項均係緊要養廉係不能不放之款其餘應支各項飭俟鹽銷暢旺再行照章支領所有單開請銷各款分計則照舊章並未核減統計則支發僅及六成實已核減四

成此試辦期內支給雜支之實在情形也且前承辦各員役或因事故去任或因疾病亡故多已更換而所支皆應得之薪工雖銷徵為數無多而緝私盤查辦事較暢旺之時尤為辛勞應請免其追繳以示體恤自奉部咨後遵即督飭井員集各商劃切曉諭務將應徵正額鹽課及養廉雜支各銀兩必須按年徵足方符定章旋據各商稟稱咸沐 皇恩深知正課為餉項所關商等具有天良何敢置公歛於不顧惟是試辦以來短徵額課之由實因商進各井迭遭匪擾廢弛年久煎銷不旺兼之軍務未能盡平人民不及昔年之半鹽務係計口授食銷鹽既減課項自亡此一定不易之理既奉戶部奏駁商等惟有實力疏銷先將正額課銀二十六萬一千六百餘兩自光緒六年起照數認足惟煎銷暢滯常備仍徵不足數查未經試辦以前係就井抽收鹽釐試辦以後前項鹽釐自應酌量刪減以顧正課擬請照舊抽收如正額有虧即在鹽釐項下撥補俾免缺額至奏銷冊載除井課仍請免其撥補以免賠累所有養廉雜支銀兩俟銷鹽暢旺察看情形即行次第起徵斷不敢意存觀望等情由該鹽道會同藩司具詳前來臣等覆查滇省鹽務廢弛年久整頓殊為不易臣等到任後節經轉飭鹽道督飭各井員認真督銷總期多收一分鹽課即多濟一分餉需無如軍務未盡平復人民未能復舊數年來各處土匪迭經滋事雖次第剿除而商民驚惶銷鹽尤難暢旺該司道所詳委係實在情形惟有仰懇 天恩俯念滇省軍務之後人民

未盡復業若將正課雜支同時起徵商力實有未逮且商人挾資運鹽有利則趨無利則避若責令正雜併計照額全完勢必逐年賠累商情渙散課款益形無出應請 俯准先將正額鹽課自光緒六年起照數徵足如有缺額卽在鹽課項下撥補庶額課不至有虧遵照定例於次年四月奏銷其同治十三年至光緒五年所徵鹽課均係儘徵儘解支發軍餉仍歸於軍需案內核實報銷一切雜支統較舊章不及六成亦請免其進繳自六年起應支養廉雜支等項實係不能不放之款養廉一項查照咸豐七年部定章程核放雜支摘要支給仍統計減四成之數以節糜費其養廉雜支銀兩請俟煎銷暢旺查看情形再行酌量徵收如此一轉移間正課既不致有虧開除亦不致浮冒下戶部議奏○予已故貴州提督趙德光建祠○癸卯諭前據御史葉蔭昉奏參河南南汝光道陳世勳年力就衰信任丁役唐縣官紳添設縣局婪索中飽各情當諭令涂宗瀛確查茲據該撫查明具奏陳世勳業因年老於大計案勒令休致其所參信任丁役查無其事唐縣前因修纂義勇設立盤卡並非前署知縣王官文任內添設現已飭令停止紳士李萬年等亦無分投坐卡肆意訛索情弊均著毋庸置議惟李萬年楊英臣龔步漢素好干預公事著該撫飭令地方官隨時察看如有不安本分情事卽行照例懲辦○諭前據都察院代奏江西候補通判趙清韶欺陳管見一摺當經寄諭周恆祺查奏茲復據都察院奏趙清韶再陳管見並據錄呈諭旨

二道前有係屬寄信該員何從緝錄其另錄一道竟係捏造殊堪詫異均應確切根究趙清韶著先行革職交刑部嚴訊具奏○召涂宗瀛入覲以李鶴年兼署河南巡撫○甲辰召恆訓入覲以托克湍署成都將軍○丙午諭軍機大臣等前據總理各國事務衙門奏與日本國商議琉球一案降旨交南北洋大臣等籌議日本使臣吳戶璣於未經議定之先即自棄前議悻悻而去其所請各節於中國存球之意尚未盡善未能即予准行該國不遂所求尤難保無藉端要挾情事所有沿海各省防務自應嚴行戒備著李鴻章劉坤一何璟張樹聲吳元炳譚鍾麟勒方鐸周恆祺裕寬督飭各營妥為豫備不動聲色靜以待之毋得稍有疏懈聞日本造小鐵甲輪船兩隻可以駛入長江並著彭玉麟李成謀加意籌備毋為所乘定海一艦四面環海應增調閩省輪船以助兵力並著何璟勒方鐸譚鍾麟黎兆棠會商辦理將此由五百里密諭李鴻章劉坤一何璟張樹聲彭玉麟吳元炳譚鍾麟勒方鐸周恆祺裕寬並傳諭黎兆棠李成謀知之○諭刑部奏盛京工部六品官袁祥父子被戕一案應將李泳智屍身覆驗請旨辦理一摺著派恩福洛斯廉會同盛京將軍奉天府尹盛京刑部侍郎詳細驗明具奏案內在逃之案犯倡楊洛五並禁卒郭興著岐元松林飭屬迅速嚴拿送部歸案質訊○命大學士寶鋆左宗棠全慶於管理處所免其帶領引見○已酉前盛京將軍奕湘卒命以勒載漪前往奠醴賞其子王祺載卓員外郎孫溥慶主事○庚

戊總理各國事務衙門奏 臣衙門前於光緒五年二月間據出使美日秘國大臣陳蘭彬函請擬發現駐
山域治埃蘭即檀香山國商董陳國芬諭帖約束在彼華民等情當經據情具奏請 旨辦理並聲明檀
香山與中國並未立約即由出使大臣陳蘭彬飭令商董陳國芬隨時稽查該處華民若干有何章程限
一年內稟由陳蘭彬酌核辦理等因奉 旨依議欽此咨行該大臣欽遵辦理在案茲據出使大臣陳蘭
彬咨開咨稱轉據駐檀香山國商董同知銜陳國芬稟報試辦一年期滿請派委員接替又據陳蘭彬致
臣衙門另函內稱檀香山國雖未與中國立約但未與該國立約之俄羅斯等國皆有領事在彼駐紮今
陳國芬試辦一年尚無貽誤人地亦覺相宜似應奏改領事即以該商董承充至該商董試辦期內原有
緝譯文案各一人所需用費委係自行捐給嗣後可否由出使美國經費項下定期每年酌撥銀二三千
兩以資辦公各等語 臣等查泰西有約各國如英國之新嘉坡美國之舊金山各處現經設有領事官原
為保護華民在外貿易傭工起見檀香山雖與中國未立和約而該處本為華民出洋要衝又為美國金
山後路且係秘魯來華中站華民往彼謀生者日多一日近又有中國招商局和眾輪船在彼常川往來
華商亦可陸續貨船赴彼貿易若不設領事官妥為保護誠恐華民聚集該處土人浸滋疑忌既據陳蘭
彬函稱俄羅斯等國皆有領事在彼駐紮可否將現駐檀香山國商董同知銜陳國芬改為領事官以資

約束如蒙 俞允卽由臣衙門咨行該大臣轉飭遵照至該領事官應需薪俸等項應由出使大臣陳蘭彬在出使美國經費項下每年酌撥銀二三千兩歸出使美國經費案內造報臣衙門核銷以憑查核得旨如所議行○辛亥諭刑部奏秋審緩決三次以上人犯可否援照歷屆成案准予查辦一摺各省緩決人犯自同治十一年及光緒元年遇赦援免後至今又逾數年較之咸豐六年及同治七年查辦人數及緩決次數大略相同自應照例查辦以示矜恤卽著刑部查照歷屆減等發配章程繕具條款請旨辦理○戈靖奏聞近年捐納人員取巧之方甚謫自捐監時或冒他省籍以至捐官時呈明原籍寄籍及父兄同官之省已身游幕之省可以規避四省如父母已故則又捏造一生母繼母尙存以爲親老告近之地迫覈舉後省分合意則不必告近永無丁憂之日如省分不合其意則借告近候補亦無丁憂之期臣愚以爲此等弊竇察不勝察不若明定章程凡親老告近俱限以十年勒令終養是亦杜絕取巧之一端 上諭戈靖奏捐納人員取巧規避請明定章程等語著吏部議奏○戈靖奏聞戶部現放加成甲米新章不照從前接連加放大箇月之期改爲間斷兩季人言嘖嘖皆以爲大不便於旗兵查八旗甲米自伯彥訥議貼奏請加放一成議准每年自十二月開放鑲紅旗等起至次年二月開放正白等旗六月開放鑲紅等旗八月開放正白等旗此定期也嗣因加放期滿旗民生計維艱屢經臣工奏請照舊變通

續行展限俱蒙遞展加放一成各在案光緒五年倉場衙門將南新倉所有較次和米於每月八旗應領甲米自六月起在糯米折銀項下改放本色五升六七八三箇月八旗周徧一輪歷計加放各前案俱係接連陸續開放該兵丁均蒙惠藉資蘇困乃聞戶部近日忽改四次陸續之期併爲兩季開放便於辦公而於旗民則大不便也蓋當春夏之交青黃不接之時米價騰貴開放甲米兵民交易市價亦可以平有便於窮民並有惠於窮民聞戶部議改新章之意謂接連開放兵丁不知撙節此近理而未察其情也臣聞現在旗民光景困苦者多當甲米未領之前類皆多方告貸以供朝夕迫甲米到手不過僅敷一身一口之用計從前之虧空尙不足以償清前債毋庸慮其浮費出納之吝不惟大拂人情亦且有傷政體何若率由舊章陸續接連開放飢者易爲食渴者易爲飲早得一日之米卽少負一日之債其有濟於窮民者不少況每年五月卽收麥秋兵民交易糧價自當稍平至七月旋卽登穀其間豐歉盈虛悉有緩急相因之用豈可因辦公而圖安逸罔顧民艱擅改舊章乎應請 特旨飭下戶部將六七八八月甲米仍照舊章挪移在前卽自本年三月起陸續接連開放以待籌制則兵得以濟燃眉之急民得借以爲平糶之由所謂不費之惠一舉而兩受其賜也 上諭給事中戈靖奏開放八旗甲米請仍照舊章辦理等語著戶部議奏○戈靖奏 臣聞油行經紀有假公勒用擾累市廛之事本年正月間見沿街巷口順天府張貼

告示係由行經紀與蠟鋪爭鬧經刑部奏結後令糧廳另示新章令客販與自置合併爲一概抽行用據
稱該經紀身爲官役充當場差所有例價不敷辦公勢必藉用充補等語臣風聞此案因油行經紀在崇
文門稅務之外私設行局濫收行用被各蠟鋪在稅務衙門控告經該衙門斷令各循舊章生業將經紀
發交糧廳管束不得另生枝節嗣後該經紀復勾結匪人開設油店遇有油斤入城妄行勒索經御史
奏交刑部辦理奏結令糧廳嚴定該行章程今見糧廳所定新章不爲嚴杜其弊率以該經紀充當場差
所有例價不敷辦公勢必藉用充補爲詞是不禁該經紀之網利營私而反縱其所爲也我國家開科
取士三年兩場凡百供應固非勤支公項豈必假諸經紀藉用充補臣前官禮部曾充會試提調深知其
弊各行經紀每向大宛兩縣領取官價先必買通門丁勾串書吏朦混浮冒貨物之值至有昂過於民間
者絕無該經紀藉用充補之事且從前私抽行用該經紀尙不敢公然把持若明定章程令客販自置合
併一律取用則凡油行統歸掌握進城之貨稅課必經其呈報數目多寡隱漏包庇是爲崇文門添一弊
弊之人行商坐賈俱歸統轄任意需索是藉一官差之名坐享無窮之利一行如此各行效尤其擾害於
市廛者匪淺鮮也 上諭給事中戈靖奏油行經紀假公擾累請飭順天府另立章程並飭崇文門嚴禁
包稅等語著順天府崇文門監督查明辦理○山東按察使靈杰因病乞休允之以潘駿文爲山東按察

使○壬子冬毓英奏查前據韓超於同治元年正月二十九日具奏黎平府屬紳民捐辦屯田酌議章程一摺業經戶部核議覆奏奉 旨允准欽遵在案嗣准兵部咨所設屯弁曾否揀拔有員一切應辦事宜如何妥議分別奏咨報部核辦等因轉行去後迄今十有餘年辦理諸多窒礙查舉行屯田本備邊之良法而經營不善實病民之厲階前署黎平府知府多文倡議屯田正值賊氛擾攘居民慘遭蹂躪極思禦防是以殷實各戶願捐田畝現在軍務平靖事過境遷迭據該府士民倪棟等於歷任撫臣暨此
次閱兵之時控訴不已訪聞其中弊端百出原捐民田係按十抽三已覺太重且舉充屯長屯丁類多無賴強橫藉屯田漁利以肥易瘠或指殷實勒充屯長誘產傾家甚至因屯穀收不足數轉將所抽入公三成民田錢糧仍令民間完納者種種剝削民何以堪臣當檄飭司道督飭該府確查核議據知府鄧在鑑詳請一例裁撤所抽民田概行退還原捐業戶等情前來臣覆查黎平地方前因苗匪為亂餉糈兵軍就
此屯田守禦現在黔省肅清規復營制黎平營守兵業已招補如額又改勇復兵設立練軍派委記名提督鄧廷忠統帶黎平郎洞下江等營分紮該府足資彈壓所有從前議設屯軍既無成功應即裁撤以除積弊而蘇民困諸 旨飭部將黎平府屯田之案注銷免其造報臣仍當檄令該府清查此項民田退還
原捐業戶不准稍有侵佔得 旨如所請行○癸丑朝 日於東郊○護軍統領承恩公熙祥卒命貝勒

使○壬子岑毓英奏查前撫韓超於同治元年正月二十九日具奏黎平府屬紳民捐辦屯田酌議章程一摺業經戶部核議覆奏奉 旨允准欽遵在案嗣准兵部咨所設屯弁曾否兼拔有員一切應辦事宜如何妥議分別奏咨報部核辦等因轉行去後迄今十有餘年辦理諸多窒礙查舉行屯田本備邊之良法而經營不善實病民之厲階前署黎平府知府多文倡議屯田正值賊氛擾攘居民慘遭蹂躪思禦防是以殷實各戶願捐田畝現在軍務平靖事過境遷迭據該府士民倪世棟等於歷任撫臣暨此大閱兵之時控訴不已訪聞其中弊端自出原捐民田係按十抽三已覺太重且舉充屯長屯丁類多無賴強橫藉屯田漁利以肥易瘠或指殷實勒充屯長蕩產傾家甚至因屯穀收不足數轉將所抽入公三成民田錢糧仍令民間完納者種種剝削民何以堪臣當檄飭司道督飭該府確查核議據知府鄧在鐸詳請一例裁撤所抽民田概行退還原捐業戶等情前來臣覆查黎平地方前因苗匪爲亂餉絀兵單就屯田守禦現在黔省肅清規復營制黎平營守兵業已招補如額又改勇復兵設立練軍派委記名提督鄧廷忠統帶黎平郎洞下江等營分紮該府足資彈壓所有從前議設屯軍既無成功應卽裁撤以除積弊而蘇民困請 旨飭部將黎平府屯田之案注銷免其造報臣仍當檄令該府清查此項民田退還原捐業戶不准稍有侵佔得 旨如所請行○癸丑朔 日於東郊○護軍統領承恩公照祥卒命貝勒

載激前往奠醴以其子德晉承襲公爵○甲寅 上詣 大高殿祈雨○乙卯予安徽太平縣節婦崔焦

氏旌表○諭通政使司參議劉錫鴻奏疆臣不堪倚任臆款參劾各摺片披覽所奏各節殊堪詫異各省大吏如有辦事乖方或不勝任者有言責諸臣自應據實奏李鴻章久任封圻深資倚畀其平日辦事原不能一無過失朝廷隨時訓誡未嘗稍有寬假茲據劉錫鴻所陳各款如奏留藩司任道鎔入覲為蔑視綱紀復奏籌備餉需一疏為藐抗朝廷腹誹諭旨優保委員黃惠和等為妄言欺誑等情深文周内已屬支離至謂其跋扈不臣儼然帝制並以荒誕不經之詞登諸奏牘肆意傾陷尤屬謬妄糊塗朝廷於馭下聽言一秉至公似此信口誣譖不可不予以懲處劉錫鴻著交部嚴加議處○丙辰李文敏奏捐納勞績人員請停分發江西三年允之○予故甘肅甘涼道李鶴章建祠事蹟交國史館立傳○諭軍機大臣等此次京察一等復帶交軍機處記名各員著自三月初一日起按照名次先後每日二員於寅刻赴乾清門伺候召見如本日未經召見仍於次日預備俟召見後其次應行召見之員再行接續預備其餘各員以次遞推○丁巳金順奏奴才接署將軍榮全移交屯田係在塔爾巴哈臺城南頭工地方奴才接任後飭署後路金營翼長喀勒克伊等於舊屯之外又擇塔城東南錫伯圖都倫兩處加廣耕種數年來收穫雖豐無如塔城距庫爾喀喇烏蘇十三站之遙山路崎嶇每歲運腳需銀十數萬兩且中途老風口地

方冬令雪大車駝輒爲所阻奴才庫城行營並通西固爾圖托多克精河各防營應需軍糧仍非由東路
綏來縣購買不可是糧艱餉絀皆因道遠所致茲查有庫爾喀喇烏蘇延北自二十里車牌子三十戶兩
處皆臨奎屯大河水極暢旺兩岸可墾之地頗多奴才於本年十一月初十日親往覆勘該處河面寬二
十丈底寬七丈深一丈五尺惟河低地高非束水使之上升不可擬築壩開渠安設閘口視水需用多寡
以時啟閉使河水仍得暢流灌溉可資永賴不惟奴才駐此可濟軍食卽將來或爲民田或作兵屯其利
亦溥現飭統領禮字營營記名提督劉宏發親督兵勇伐木運石擬於來春二月興工並飭喀勒克伊購
買牛具酌撥塔城屯田官兵十成之七先來墾種其餘三成仍留該處照料冬麥俟冬麥收竣再行南下
其塔城熟田及屯次房舍等卽交參贊大臣錫綸作爲該處兵屯又塔城城內並錫伯圖等處倉存糧石
擬飭現駐塔城滿營協領爾阿本威勇營營總多仁泰並駐紮該處之錫伯營官兵等分別看守俟車
牌子新屯之田著有成效再行存撥報聞○已未何璵奏閩省臺灣北路地方奏准添設知府等缺案內
聲明應給廉俸及祭祀役食等項另辦在案伏查臺北新設一府曰臺北府改噶瑪蘭通判移設一廳曰
臺北廳分防基隆通判裁淡水同知分設二縣曰淡水縣新竹縣承噶瑪蘭舊治新設一縣曰宜蘭縣裁
臺灣嘉義二縣訓導並彰化縣艋舺縣丞而移設改設者曰臺北府學教授新竹縣學訓導臺灣府經歷

改原設淡水廳教諭瑪爾訓導爲縣學者曰淡水縣學教諭宜陶縣學訓導裁竹塹羅東二巡檢而改設者曰新竹縣典史宜陶縣典史又添設淡水縣典史各該衙門辦公所需例有支款現今折衷定擬共應需俸公等銀五千七百十七兩零養廉銀四千九百兩除勸府屬租價餉耗鹽課及向有坐編堪以協濟外計俸公等項不敷銀二千三百四十三兩零淡水新竹兩縣現甫辦理升科應請暫在臺北裁兵餘未變價項下撥用又養廉不敷銀二千八十一兩零並請暫撥臺灣鳳山彰化等縣耗羨應支仍俟淡新清釐定案與俸公等項不敷之數統行分別改編所有光緒五年臺北銷冊卽照現擬數目核辦下部知之○辛酉何璟奏自道府以下未入流以上請停分發福建三年允之○壬戌陝甘總督曾國荃因病乞休不允命賞假三月假滿入覲